

桑名前  
修遺書

陸奧九家世紀

片山恒齋先生著

全

# 樂名前修遺書四

# 恒齋先生遺書

養病漫錄

陸奧九家世紀

遺稿

# 遺書編纂取極所刊

故桑名教授片山先生之墓表

先生諱成器、字君彝、稱理助、初稱鐵之進、有所避改焉、曰恒齋、曰箕山、曰得庵、皆其別號、本氏杉野、考諱直方、妣片山氏、先生其第三子也、襲外舅諱成英後、先生幼受業蒙齋廣瀨先生、先生大奇之、教督周至、守國公亦知其遠器、命入昌平齋、文化十一年、特命參預學事、尋為學頭、文政九年、遷教授、是時公退老已久、益注意於育英、而先生從容誘掖、各因其材而施教焉、嘗有所建白、公嘉納之、因撰薰陶教化錄云、嘉永二年五月三十日、先生年五十八、以疾卒、葬于城西圓妙寺後山、私謚曰交通先生、為人寬厚謙和、坦懷待物、雖家人未嘗見其有遽色、事無細大、處之夷然、曲盡其方、而無所苟焉、其學淵博、務明大旨、議論平正、妙有獨詣、尤精通于和漢典故、旁講韜略、若其文詩之典雅整潔、則

身名前傳選書 陸奧九家世紀序  
觀於遺集可見矣。所著凡十餘種，要在適用。嗚呼！先生天資之美，學德之選，可謂不負于君師之鑒也已。先生事四世，恩遇隆渥，累加秩祿，至側役格，食百石，始娶松本氏，先卒，生一女，後娶小森氏，生七男三女，男四人，夭，三子成勝承家。

小野正端撰

陸奧九家世紀序

余之在白河也，時遊仙海二道之間，歷覽山川，訪問遺事，撫群雄興廢之迹，未嘗不慨然而歎也。蓋中世以還，或托神明之胄，或庇功勞之報，雖強弱大小之不一，然各割據其地，以傳之子孫，及其後世，爭力競雄者，殆四百有餘年，而莫之能并焉。至天正之季，伊達黃門奮起，其間次第刪削，或降或亡，莫敢嬰其鋒者，豈不偉哉！然豐公東征，束手納地，若爲之驅除者，嗚呼！斯所謂雖曰人事，豈非天者耶？輿地僻陋，記載粗畧，事偶存，口碑者，譬如斷錦爛繡，頭尾不接，其要領終不可得也。余嘗有纂修之志，有所聞見，記而投之囊中，及西徙桑名，相距一百五十餘里，耳目不復接，遂委而不理。客歲男允出乞校之，於是取而閱之，詳者燕雜，畧者濶疎，雖未足以成編，其興廢之迹，可爲今日之勸戒者，亦不少矣。因一校而

錄之、仙道六家、海道二家、會津一家、凡九家、如伊達氏、則出入九家、雖不別錄、其事之得失、亦可槩見云、弘化二年歲次乙巳夏六月朔旦、桑名立教館教授片山器君彝甫題于江戶邸舍之小樓、

目次

第一卷

白川結城氏世紀

第二卷

須賀川二階堂氏世紀

第三卷

石川石川氏世紀

第四卷

三春田村清顯世紀

第五卷

四本松吉良宇都宮石橋大内世紀

第六卷

二本松島山氏世紀

第七卷

會津葦名氏世紀

第八卷

中村相馬氏世紀

第九卷

岩城岩城氏世紀

陸奥九家世紀卷之一

桑名 片山 器 編輯

秋山 斷 校

白河結城氏世紀

野史氏曰、余嘗上結城氏之墟、望山川之形勝、下而觀感忠之碑、刻慨然曰、嗚呼、道忠氏之忠憤義烈、赫然與日星爭輝、觀其臨沒之言、千歲有英氣、蓋中興諸將、與新楠二公可並駕而俱馳者、唯道忠氏為無愧焉、其子孫藉餘烈而享茅土者十世、然委靡不振、莫足錄者、豈山川英靈之氣盡發泄斯人而不能復孕育耶、何數百年之久、寥々無聞也、余歷叙諸家、而以結城氏居首者、豈偶然也哉、

結城氏、出于藤原秀鄉、秀鄉八世孫政光、為下野大掾、其二子曰

朝政朝光、朝政居州之小山、稱小山氏、朝光居總之結城、始稱結城氏、時源二位賴朝開府鎌倉、朝政兄弟為其所親任、文治五年、賴朝伐藤原泰衡、取陸奧國、以白河岩瀨名取三郡、加賜朝光、朝光生朝廣、圖系嘉祿二年、有盜稱公曉、作亂白河、朝廣擊誅之、公曉者、弑右府實朝者也、東鑑朝廣生廣綱、祐廣始居白河、是為白河結城祖、圖系祐廣生宗廣、宗廣率其族服屬北條氏、時北條高時專橫、帝惡之、謀誅之、僧正圓觀預其謀、事泄、元德二年七月、高時執圓觀、流之白河、命宗廣囚之、時宗廣既薙髮稱道忠、元弘元年、帝下密詔召兵討北條氏、高時聞之、起兵犯京師、道忠留其子參河守親朝守白河、親卒其族從之、帝避之笠置、東師追圍之、城陷、帝幸京師、高時擁立皇太子、稱元德三年、明年正月、高時遷先帝于隱岐國、改元正慶、二年二月、道忠從

東師、攻千劍破城、帝敕道忠為結城總領、文書是時先帝既還自隱岐、御舟上山、下詔召勤王兵、道忠及其子親朝奉詔、以弟片見祐義、田嶋廣、堯等、從新田義貞、伐鎌倉、太平記結城、是月北條氏滅、太平記六月、先帝還京師、停正慶號、復稱元弘二年、冬十月、以皇子義良親王北畠顯家鎮奧州、道忠從還白河、光明寺殘編纂、以道忠為奧州諸郡檢斷職、國人服從、本朝通記建武元年、錄道忠功、拜宰相中將、加賜依上保石川庄三邑、文書二年六月、道忠以所賜依上石川邑、予其子親朝、七月、以宇多庄賜道忠、八月、以結城攝津入道黨賊、命道忠錮之、以其邑賜之、以上文書冬十月、足利尊氏新田義貞有隙、相訟、帝不直尊氏、詔義貞伐之、太平記是月、補結城親朝于白河、高野等郡檢斷職、文書道忠及三河前司親修伊達左近藏人行朝為式評定眾、建武年間武年十

一月、北畠顯家爲鎮守府將軍、補任新田義貞與足利尊氏戰于豆州、不利、兵潰而還、尊氏犯京師、太平記延元元年春正月、道忠從北畠顯家入援、與足利氏戰山崎、不利、十日、帝幸叡山、道忠以伊達信夫兵、屬義貞戰于三條河原、梅松論二月、足利尊氏奔兵庫、帝還御花山院、道忠從顯家、追尊氏抵芥川、與足利直義戰于豐島河原、尊氏遂奔九州、太平記是月、詔以義良親王爲陸奥太守、將軍顯家奉之如奥州、於是道忠亦還白河、關城書三月、道忠遣兵從唐橋經泰等、伐相馬光胤、敗之、又遣中村六郎、出兵于宇多庄、熊野堂、攻光胤、光胤敗死、南朝紀傳四月、道忠以其所領與總野羽參諸邑、予其孫顯朝、文書五月、足利尊氏犯京師、楠正成拒之湊川、死之、帝復幸叡山、本朝通鑑六月、足利尊氏復立新院、稱建武二年、於是皇統分立、同上十一月、帝詔道忠討

足利尊氏直義等、文書陸奥官承制以親朝爲下野國守護職、同上十二月、帝幸芳野、本朝通鑑新田義貞奉東宮奔越前、關城書二年正月、與人聞京師破、多屬足利氏者、北畠顯家奉親王保靈山、道忠護送到熊野堂、與相馬松鶴丸戰、櫻雲記顯家取宇多郡與道忠、故道忠置戍兵于熊野堂、與相茶話記足利尊氏以斯波兼賴爲奧羽探題、遣相馬胤賴攻熊野堂、中村六郎死之、同上三月、以下總結城朝佑邑、賜道忠、又賜高野郡以賞其功、文書五月、道忠從親王入靈山、太平記九月、北畠顯家奉親王西征、勤王戰于上相之間、道忠留親朝守白河、親率兵從之、連戰有功、同上足利義詮棄鎌倉奔京師、同上三年、北朝改元曆應、同上二月、勤王師進到青野原、敵拒之黑地川、師不能進、道忠曰、吾聞敵扼要害、可從他道擊之、請經伊勢以抵吉野、徑入京師、顯家從之、

轉經伊勢抵南都、議師所向、道忠曰、賊魁在京、請徑襲之、不濟則  
 暴屍王城耳、從之、神皇通記 廿八日、師與桃井直常戰于奈良、不利、  
 親王入吉野、本朝通鑑 三月、高師直以兵三萬來掩、伊達信夫兵先  
 潰、五月、顯家軍天王寺、先衆至阿部野、爲師直所掩、軍潰、顯家  
 死之、道忠走吉野、北畠顯信保八幡、敵圍攻之、擊却之、然糧爲敵  
 所燒、不能守、顯信入河內、閏月、新田義貞死于越前、事聞、朝廷  
 震恐、道忠進奏曰、顯家三歲中再起、勤王師者、以與羽二國固服  
 王化也、今因民心未變、遣一皇子以招撫之、陸奧五十四郡可得  
 兵四五萬、臣華首戴胄、祇奉皇子以從事、會稽之耻可雪矣、朝議  
 然之、復遣義良親王、以北畠顯信爲陸奧守、敕新田義興、北條時  
 行、宇都宮公綱、各還關東、聚兵會與師、時顯信猶少、故其父親房  
 同行輔之、道忠奉之赴陸奧、七月、丁亥、發吉野、以陸路皆梗、欲泛

海以東、悉會伊勢上船、九月、到天龍洋、遇颶、舟艦四散、道忠等飄  
 蕩七日、復還勢之安濃津、候風十餘日、將復發、而道忠嬰疾、將死、  
 遺囑曰、吾年七十、其常也、未能滅賊而死、唯是爲恨、以我言傳  
 之親朝、勿以供佛施僧爲、勿以稱名讀經爲、速斬賊首、懸之我墓  
 門足矣、拔刀切齒而卒、年七十三、同上 道忠初叙從五位下、任上  
 野介、旣而薙髮、故稱上野入道、一稱源秀、普應寺記 道忠二子、  
 長親朝、在白河、次親光、在京師、足利尊氏之犯京師也、親光從千  
 種忠顯、拒之勢多、聞大師不利、乘輿幸延曆寺、追及之、跪奏曰、  
 官軍失利、事緣大友貞載反復、臣欲刺貞載以報國、請辭、帝爲  
 之歔歔、時貞載在東寺、親光佯乞降、貞載曰、卿旣投降、法宜釋甲  
 仗、親光諾、爲授其刀、斫之、貞載墜馬、而敵人鬻至、親光與從者十  
 餘人皆死、櫻雲記 親朝初稱七郎、歷任三河守、大藏少輔、大輔、兵



衛尉修理大夫入北朝復稱大藏少輔系圖及文書元弘元年道忠

從北條氏命入京親朝留守白河四月詔親朝募兵與羽二州伐

北條氏書文及北條氏滅錄親朝功賜樞部郡南部茂時之邑也

上同建武二年補親朝於白河高野等郡檢斷職以其族親義等

邑賜之上同延元元年二月義良親王為陸奧太守親王以下野

守護職賜于親朝上同親朝從北畠顯家伐賊於五百河尋顯家

西征親朝復留守白河神皇通記道忠既死親朝奉其遺言在白河

伐其屬足利氏者興國元年從北畠顯信伐足利基氏高師冬

于總之駒城下之關城書裏書五月顯信入白河城募歸順兵上同

秋八月帝讓位于義良親王吉野拾遺二年八月宇都峯親王入

常陸小田本朝通鑑三年石堂秀慶與書親朝顯朝屬足利氏尊氏

亦以手書招之不從上同三月佐竹義敦攻關小田兩城不克六

月高師冬攻小田亦不克九月師冬復圍小田小田治久降之北

畠顯信奉親王保大寶城北畠親房保關城師冬圍之伊保真壁

皆叛親房乞救于親朝親朝諾而不果上同四年親房承制以親

朝兼上總守護初道忠之死也親朝奉其遺命一意征討既而官

軍連敗國人多應足利氏者親朝亦懷觀望六月親房以手書責

其不出兵親朝不報是年足利氏以吉良貞家畠山高國為奧

州兩管領五年關城不守並同上三月足利尊氏遣左馬助義

之檄相馬出羽守親胤伐我書文六年親朝遂叛屬足利氏足利

氏以親朝領檢斷職如故上同親朝晚年城小峯徙居之永德二

年卒普應寺結城系圖子顯朝代立興國六年與父親朝同屬足利氏

書文貞和三年從畠山高國吉良貞家相馬胤賴攻藤田靈山田

村宇津峯諸城陷之北畠親房還入吉野自是奧州官軍益衰本朝

五年、足利基氏鎮鎌倉、通鑑 觀應元年、足利慧源與其兄尊

氏有隙、出據和州、屬官軍、畠山高國應之、據岩切城、為吉良貞家

所陷、本朝通記 九月、顯朝弟小峯朝常歸順、從北畠顯信伐石堂秀

慶、櫻雲 二年二月、高師直師泰所殺、足利慧源與尊氏平、太平

朝常復叛、與顯朝合、書文 初親朝老子小峯死、次子朝常代居

之、稱小峯氏、子孫漸強、圖系 吉良貞家聞高師直黨將至、檄顯朝

固守白川、書文 尊氏下教、令顯朝領邑如故、又令貞家賜顯朝以

新宮庄及田村三邑、同上 冬、下詔招顯朝朝常朝胤、同上 文和元

年閏二月、足利尊氏與新田義宗戰于小手差原、敗走石濱、顯朝

引兵會之、太平 先是、兩朝講和、停觀應號、至是和破、帝幸

天王寺、足利義詮入京師、復稱觀應三年、祇園 四月、北畠顯信

起兵、以伊達田村兵、與吉良貞家戰于安積郡、本朝通鑑 七月、小峯

朝常從吉良貞家、陷宇津峯、顯信奉一品官、出亡、同上 二年正月、

足利氏以顯朝補白河等八郡檢斷職、書文 是年、足利基氏為關

東管領、四年、以北畠顯信子守親為陸奥國守、顯朝拒之、本朝通鑑

延文元年、斯波直持代其父家兼為陸奥管領、家譜 貞治六年、

關東管領足利基氏卒、子氏滿代之、本朝通鑑 顯朝自彈正少弼轉大

膳大夫、口宣 四月、顯朝奉教、從兩管領伐大崎治家、以其遣兵擾

名取郡也、書文 十二月、將軍義詮薨、義滿代之、本朝通鑑 應安二年、

顯朝讓邑其子滿朝而老焉、書文 顯朝歷任左兵衛尉、彈正少弼、

大膳大夫、同上 大藏大輔、櫻雲 而卒、子滿朝襲封、為左兵衛尉、書文

明德二年、將軍義滿下教、賜高野郡如故、書文 三年、足利氏滿

兼領奥羽二州、鎌倉大草紙 是歲、南北統一、通鑑 應永三年、小山若

犬丸據小山起兵、足利氏滿伐之、若犬丸奔奥州田村、氏滿進入

新編前代通記 卷之二十一 關東 關東 關東 關東

都

白河、聞若犬丸逃而還。大草四年、割田村邑四十與小峯政常、是歲、滿朝老焉。文六年、足利滿兼置弟滿貞于篠川、滿直於稻村、以鎮仙道、伊達左京大夫政宗不從其命、七年九月、滿朝從上杉禪秀攻政宗于赤館、政宗降服、薙髮號圓孝。大草十八年、滿朝及小山長沼、宇津官等、擊小山隆政、隆政奔蝦夷。日長廿三年、上杉禪秀叛、足利持氏、持氏伐之、滿朝以兵屬之。日長滿朝卒、歷任中務允。文左兵衛尉。圖修理大夫。大草子氏朝任彈正少弼。圖正長元年、擊石川駿河守有功、稻村滿直予書賞之。文氏朝卒、子直朝立。圖永享四年、直朝任修理大夫。文十年、將軍義教遣上杉清方伐足利持氏、下教直朝卒、兵會之。上十一年、將軍賜氏朝宅地于京師。上十二年、結城兵起、將軍下教與羽諸士會伐之、時直朝與石川氏構兵、不出師、嘉吉元年四月、結

城陷、將軍以書讓其不會于師。上寶德元年、與岩城清隆易其邑在菊田者。文岩城三年、會津猪苗代盛光、濱崎政賴相攻、直朝及小峯往謀其平。日長享德元年、足利成氏以宇都宮篤綱黨于上杉道朔伐之、篤綱子明綱乞降、許之、篤綱來奔。大草二年、細川勝元以直朝遣篤綱降古河、移書謂之、使伐古河以自謝罪。文會津松本筑前圍其族右馬允於芳賀館、直朝遣兵助筑前殺右馬允。日長長祿二年、先是、將軍義政遣其弟政智鎮豆之堀越、以為關東主將、下教關東諸州、奉政智伐成氏、不用命者罪之。文由命直朝賜宅地于京、遣其出兵于關東、直朝終不從。上遣兵五百人、援仙道山內越中、攻田島、羣名盛詮救田嶋、互有死傷、我兵退還、越中入中野自殺。日長文明三年夏、上杉顯定攻古河、逐足利成氏、直朝與羣名盛高、伊達持宗謀援成氏、不果、

新編前代通記 卷之二十一 關東 關東 關東 關東

會津舊事雜考 直朝老子政朝代之稱彈正少弼系圖 十一年仙道五

十峯城主石川氏叛會津政朝為擊之長牒日記 政朝為人風雅善

和歌十三年會家臣於城東鹿島祠親臨賦萬句聯歌白川記 十

二月佐竹義俊乞兵於我伐羽之山形賄以三邑文書 政朝奪武

茂庄足利政氏移書其族小峯朝修諭政朝還之不從文書 十九

年直朝夫人某氏卒會聖護院准后道與來賦和歌弔之直朝和

之四國雜記 延德二年小峯左衛門佐朝修轉修理大夫口宣 明德

四年政朝子顯賴自宮內少輔轉右兵衛佐同上 五年政朝置八

槻神田文書 永正二年輩名盛高與其子盛滋有違言其老佐瀨

富田來奔政朝如會津和之盛高不聽盛滋奔米澤舊記 六年與

那須構兵東也 七年二月修理大夫朝修自殺文書 四月彌七郎

顯朝戰死于小作田系圖 九月九日小峯政重作亂誘岩城兵襲

白河政朝出奔那須其子五郎走會津長牒日記 十日政朝卒舊事雜考

左京亮顯賴襲封自是白河漸衰 十一日會岩城守隆擊那

須那須記 十七年八月顯賴伐那須先是那須播磨守資親無子

養顯賴次子為嗣稱資永既而生資久置之山田資親疾病以資

久托大田原出雲守使廢資永而立之資親卒出雲守以其黨五

百人襲資永于福原圍攻之資永出擊敗之然敵至益多資永夜

遣關十郎潛入山田執資久至殺之乃卒餘兵出戰遂死之顯賴

聞資永被圍乞兵岩城俱伐那須圍山田大田原大關等皆那須

諸族也皆來救顯賴分兵五百以岩城兵涉那迦川逆戰于繩釣

臺不利圍城兵亦潰 大永元年十一月顯賴復出兵于下毛岩

城重隆會之遂拔山田追烏山又乞兵于小田宇都宮小田宇都

官兵出次五月女坂共攻上河井拔之那須資房退保烏山我師

欲進攻之、鹿沼雪德齋諫之、於是諸軍各還其邑、以上那顯賴子日義綱、任左兵衛佐、圖四年、義綱為其子晴綱聘岩城重隆女、既納幣、重隆以女與伊達晴宗、於是義綱與伊達岩城交惡、永隆會津廿又五年矣、長牒日記晴綱初日晴廣、義綱之子也、天文十一年、任左京大夫、書文廿年、晴綱與葦名盛氏田村清顯二階堂照行畠山尙國講和、書文弘治二年、置斑目廣基于冷渡、大塚綱久于塙、深谷伊豆于流、新小萱篤綱營生白岩田嶋舟關等諸士各居其邑以相應接、於是勢頗張、白川記須加川二階堂盛義遣其將保土原氏等來侵我新城、新城備後守死之、城陷、晴綱怒遣新小萱篤綱白岩刑部伐新城、不克、刑部死之、同上永祿二年二月、遣芳賀遠江守和知左馬助佐藤大隅守復伐新城、拔之、進薄須

加川、須加川千用寺長祿寺妙林寺僧來謀其平、會我將新小萱篤綱卒、乃許之、同上三月、始與越後上杉景虎通好、書文三年葦名盛氏遣使來謀伐常陸佐竹氏、三月、晴綱以兵五百會之、佐竹義昭恐伊達氏岩城氏襲其後、不敢出、檄那須資胤以當我、資胤出兵于小田倉原、晴綱以會津兵與資胤戰、不利、小峯義親次子所獲、那須記晴綱卒、子七若丸尙幼、族人小峯義親與和知美濃逐七若丸奪其宗、七若丸走柳津、後十餘年、葦名盛氏詣柳津見之、為之請、義親允之、七若丸稱治部大輔義顯、天正十一年、還白川、居小田川岩窪切木石城、及白河亡、匿大田川民間、元和大坂之役、義顯已卒、遺民奉其子朝綱屬佐竹氏、未發而卒、子孫遂臣佐竹氏、白川記及家譜義親已逐義顯、娶葦名盛氏女、與那須石川佐竹互相侵伐累年、仙道表鑑天正元年、義親以斑目借濃守為先鋒、

攻淺川、破其外郭、城兵殊死鬪、我兵多死、佐竹義昭聞淺川被圍、以其子義重爲將、那須兵爲先鋒、救之、義親城關和久拒之、葦名盛氏聞之、出兵白坂爲我聲援、會相之北條氏政陷關宿、以狗下總、常師退去、同上三年六月、常師復入大碓、斑目氏大塚氏皆舍邑而遁、常師遂取柵倉赤館、置其將澁井內膳守之、斑目大塚河東田諸將謀復之、會石川昭光出兵于野出嶋、應于常師、諸將與之戰于釜子、白川記四年四月、義親師于河東田、遣穗積斑目諸將、夜襲赤館、拔之、同上七月、常師圍赤館、遣其將澁井內膳刈近邑禾、遂過柵倉、抵釜子而去、初諸將之拔赤館也、斑目信濃獲澁井氏、遣還之、內膳德之、故其刈田禾、斑目氏之邑獨無所損、義親以是疑其貳、誘信濃而殺之、於是柵倉赤館復沒于佐竹氏、同上六年三月、遣大塚吉久攻淺川、石川昭光以岩城兵來救、我軍不

淺川被圍、以其子義重爲將、那須兵爲先鋒、救之、義親城關和久拒之、葦名盛氏聞之、出兵白坂爲我聲援、會相之北條氏政陷關宿、以狗下總、常師退去、同上三年六月、常師復入大碓、斑目氏大塚氏皆舍邑而遁、常師遂取柵倉赤館、置其將澁井內膳守之、斑目大塚河東田諸將謀復之、會石川昭光出兵于野出嶋、應于常師、諸將與之戰于釜子、白川記四年四月、義親師于河東田、遣穗積斑目諸將、夜襲赤館、拔之、同上七月、常師圍赤館、遣其將澁井內膳刈近邑禾、遂過柵倉、抵釜子而去、初諸將之拔赤館也、斑目信濃獲澁井氏、遣還之、內膳德之、故其刈田禾、斑目氏之邑獨無所損、義親以是疑其貳、誘信濃而殺之、於是柵倉赤館復沒于佐竹氏、同上六年三月、遣大塚吉久攻淺川、石川昭光以岩城兵來救、我軍不

利、吉久戰沒、同上七年五月、常師來侵、攻新地山壘、忍右京芳賀越後等救之、不利、常師進過關山到合戰坂、義親遣大塚小八郎覘之、與敵候騎遇、獲之、又見敵伏兵于騎谷、走還報之、義親分兵一出合戰坂、一出雙石口、會戰于引目橋、又不利、將走、忽有二童子來、敵見以爲救兵至、遂潰、追北斬首三百八十級、人以爲神助、佐藤忠秀遣大塚和知等涉逢隈川、與山王森軍夾擊、敵圍新地山者却之、然敵至益衆、漸逼白河、義親不能禦、避之鶴生、乞救會津、佐竹氏入白河、葦名盛氏岩城常隆來謀其平、以柵倉與佐竹氏、於是義親還白河、同上十一年、先是和田安房者得罪佐竹氏來奔、義親信任之、至是安房復貳佐竹氏、遣其出師、而已內應之、佐竹義重親將來侵、義親不悟、以安房爲先鋒、親出拒之、義重佯退、義親從入敵中、安房拉之奔常師、軍潰、旣而義重以女妻義



親以其幼子喝食丸爲之子以和還義親義親還白河愧其所虜  
薙髮號不說齋永慶軍記淺川大和守聞義親所虜名兵二本松襲  
白河赤坂朝光告之佐竹氏佐竹義重遣兵圍淺川城陷大和守  
死同上十二年六月佐竹義重出兵仙道還抵白河過關山白葉  
備中據山邀之毀其先鋒同上十三年義親會佐竹義重葦名氏  
岩城氏石川氏于須賀川取中村砦伊達田村砦記十四年伊達政宗  
取二本松畠山氏亡本朝通鑑十五年十月佐竹義宜侵岩城義親  
會伊達氏兵救之常師退次關山攻之不克是夜常師伐木繫布  
爲疑兵我師以爲敵大至遂潰那須記十六年常師三千入赤館  
義親遣河東田某硯石正尹襲之常師退正尹追到寺山爲流矢  
所中常師復來義親拒之合戰坂伏兵藤川僞退常師來追伏發  
斷橋常師敗走尾擊之斬首二百三十級三日常師陷本沼八

義親傳  
伊達氏傳  
淺川大和守傳  
佐竹義重傳  
白河赤坂朝光傳  
仙道傳  
關山傳  
白葉傳  
岩城氏傳  
石川氏傳  
須賀川傳  
中村砦傳  
伊達田村砦傳  
二本松傳  
畠山氏傳  
河東田某傳  
硯石正尹傳  
寺山傳  
藤川傳  
本沼傳

幡館百目木修理亮恐其遂侵軼白河留舟田入道等守砦以屬  
兵五十人要之中途衆寡不敵遂敗修理亮被創退入松林庵死  
其妻芳賀氏殉之板橋農家古記十七年會津須賀川皆入于伊達氏  
於是義親石川昭光降附伊達氏舊事雜考修關和久壘以備佐竹  
氏四家合考須加川遺士據大里牛城不從伊達氏伊達氏遣田村  
中務攻之義親遣兵會之舊事雜考十八年豐公圍攻北條氏于小  
田原與州大震中畠上野介勸說義親遣使送款且饋米二百苞  
義親依違不決會伊達正宗如小田原軍乃以馬及鷹托之以獻  
之正宗到小田原豐公譏其恣侵掠仙道沒其侵地是以義親饋  
獻終不能達秋七月豐公滅北條氏遂入與州以義親不送款收  
其地義親潛居城北金勝寺後客于伊達氏四家合考  
野史氏曰親朝城小峯而老焉其仲子朝常晚稱小峯氏其子孫

義親傳  
伊達氏傳  
幡館百目木修理亮傳  
松林庵傳  
芳賀氏傳  
石川昭光傳  
伊達氏傳  
田村中務傳  
小田原傳  
與州傳  
仙道傳  
豐公傳  
北條氏傳  
伊達氏傳  
朝常傳  
小峯氏傳

襲稱之、而譜牒謂其宗亦稱之者誤矣、自義親逐義顯以奪其宗、今所存譜系皆以義親繼晴綱、而不載義顯、嫡庶淆亂、不可推究也、然以其為名家、列國聘徵、分為數家、各以宗自居、據其所藏文籍、唯仕羽之秋田者、則義顯之裔、其為嫡統有可證焉、又有稱南氏北氏者、皆其支族、而其源委終不可詳云、

（此處為書中內容，因字跡模糊，無法準確轉錄。）

陸奧九家世紀卷之二

桑名 片山器 編輯  
秋山 斷 校

須加川二階堂氏世紀

二階堂刑部少輔行嗣者、入道道蘊之裔也、須加川行嗣事足利

持氏有寵、鎌倉大賜岩瀨郡、築須加川守屋館居之、應永又稱三

河守、土人其子為遠江守為氏、嘉吉三年襲封、時尚幼、留居鎌

倉、以族人治部少輔者為代官、居須加川、治部少輔專恣、田租自

入、不敢輸之、於是為氏以從父民部少輔為目代、遣之須加川、治

部少輔以女妻民部少輔、置之北澤、而已專郡務、自若、為氏既長、

白之足利成氏、伐治部少輔、文安三年、為氏帥兵到須加川、民部

少輔伐治部少輔、為之請曰、三年致邑而避之、因以治部少輔女



妻為氏、為氏許之、假居和田三年、治部少輔不肯避城、為氏怒、帥兵一千擊之、治部少輔自殺、於是為氏徙治須加川須加川古記、為氏之攻治部少輔也、先遣其妻、治部少輔出兵于途、逐其護送者、而棄女于倉澤而去、女詠絕命詞、自殺興中同上、五年、築壘于岩瀨、安積二郡境上、稱新田、遣濱尾民部大輔成之藤葉榮、為氏為奧羽二國守護職、寬仁五年卒古、為氏生行光、稱山城守、文明九年七月卒長祿寺過去帳、行光生行詮、亦稱山城守同上、十六年、葦名盛高來侵、行詮拒之、互有死傷長祿、明應九年三月、行詮卒過去帳、行詮生續義、天文五年、出兵下野、戰于喜連川、續義改名晴行、娶伊達植宗妹、卒、其子曰彈正大弼照行同上、照行既繼其家、是時、仙道大亂、會津有葦名盛舜、白河有結城顯賴、米澤有伊達晴宗、海道有岩城由隆、相馬顯胤、其他田村石川二本

松四本松互相侵奪不止日記、天文十七年、遣信濃守盛義、與伊達氏戰于牛庭原、敗之榮、廿年、照行與葦名盛氏、田村清顯結城、晴綱、島山、尚國、講和結城文書、照行卒、盛義代之系、弘治二年、遣保土原氏常松氏、矢田野氏、攻新城、拔之、白河兵來救、擊却之、獲其將白岩刑部白川、永祿二年二月、白河兵攻新城、陷之、漸逼須加川、遣人乞平、白河兵乃退同上、十二年三月、遣兵二隊、從佐竹義重、與北條氏康戰于下野永慶、天正八年三月、破田村清顯於下山田、進入安積郡、取太平本朝通鑑、六月、葦名盛氏卒、其子盛興先卒、無嗣、家臣請盛義長子嗣其家、是為葦名盛隆四家、是時、伊達正宗兵威廢盛、有并吞奧州之志、四隣憚之通鑑、九年、田村清顯侵我邊邑、盛義以佐竹氏葦名氏兵、徑入三春、清顯懼、請還其侵地、以和許之合、七月廿三日、盛義疾卒、長子盛

卷之二十一  
伊達氏

隆既嗣葦名氏而次子蚤卒是以盛義無嗣家臣相議奉大夫入  
伊達氏以聽庶政伊達田村零記十年矢部周防守為今泉城代為田村  
清顯所圍家臣相議救之救兵敗退保大窪敵縱火焚林我兵不  
能支遂入矢田野今泉遂潰佐竹氏葦名氏伐田村救之取御代  
田清顯請以今泉易之許之於是復取今泉以濱尾某守之同上  
十三年會津白河岩城石川兵皆會于我進入安積郡攻拔中村  
壘伊達氏兵出在高倉本官我師分赴之戰于人取橋頗有利明  
日欲復戰會佐竹義政卒于軍中其軍先還於是諸軍皆散合考  
是歲豐公為關白通鑑十四年二本松入伊達氏同上十六年夏  
四月聞伊達氏與最上氏構兵于境上欲乘間取仙道乞兵會津  
時會津君臣以大內備前叛附伊達氏并惡伊達氏許之十六日  
矢田野義正須田盛秀以會津兵入安積郡伊達成實片倉景綱

自二本松大森至義正等力戰敗之追北到觀音堂會津兵別拔  
片平虜備前母議並進攻高倉本官聞伊達氏大軍至乃收軍而  
退永慶記須田盛秀卒兵從佐竹氏葦名氏結城氏復入仙道與  
伊達氏相拒于郡山窪田之間伊達氏築塙穿隍固守不出佐竹  
義重使盛秀擊之盛秀曰敵堅壁不出以誘我而我派軍突之是  
棄我也義重乃止既而岩城重隆來謀平於是諸軍皆散合考十  
七年片平助右衛門叛降伊達氏仙道復戰爭同上五月會于佐  
竹氏葦名氏岩城氏謀伐田村氏會猪苗代盛國叛會津葦名氏  
軍先還於是諸軍散去同上五月伊達正宗入會津葦名氏亡仙  
道及會津四郡屬伊達氏同上伊達正宗遣人說須田盛秀降附  
不從保土原江南齋濱尾善齋矢部守屋諸老臣皆與盛秀有隙  
相尋納款于伊達氏勸加兵須加川十月二日正宗合田村清顯

卷之二十一  
伊達氏  
十七

兵次片平、以降將新國上總介大內備前爲先鋒、舊將伊達成實、片倉景綱等次之、分入八幡雨喚口、城中聞之、勸說大夫人伊達氏、以城降、夫人不聽曰、降者降、去者去、我不敢恨、我唯待正宗來、自裁耳、諸士慨然莫敢言去者、於是定固守計、上同岩城遣其將竹貫中務少輔來協守、廿六日、伊達正宗陣于城西原上、先鋒來薄、須田盛秀等拒之于牛袋河上、頗有斬獲、守屋筑後縱火會下民屋、以延外兵、火及長祿寺、寺在上風、焰烟覆城、城兵不能禦、夫人欲自殺、左右止之、正宗遣人迎夫人、使者慮其不從、佯曰、岩城使者、夫人乘輿出城、到新井田、使者以實白、且言正宗無他意、夫人居止唯意所欲、夫人默然不對、乃館之福島、永慶城旣陷、須田美濃守以手下兵還據和田、米澤兵來圍、盛秀以謂二階堂氏已亡、復爲誰守、乃火其城、與矢田右近奔佐竹氏、伊達正宗

新編 德川實錄 卷之三

在須加川月餘、留石川昭光守之、十八年、矢田野伊豆守集須加川遺民、據大里、先是、伊豆守降伊達氏、正宗以之如小田原、途亡還大里起兵、伊達成實遣石川昭光擊之、不下、斷其汲路以困之、城兵夜襲其守兵殺之、旣而豐公東征、收伊達氏所侵奪仙臺會津等諸郡、城兵乃散、大夫人伊達氏自福嶋如岩城、又依佐竹氏、佐竹氏之徙秋田也、夫人亦徙、途疾、留在須加川長祿寺、慶長七年、卒于長祿寺、葬于二階堂氏之塋域、並同上野史氏曰、須賀川之陷也、叛者縱火外應、城遂不守、至今遺民以是夜連火炬數十、上下遺墟、以祀其神云、或其嘗膽之義歟、夫人氏以孤嫠之身、督率將卒、狗義自誓、詞義凜然、家旣亡滅、其志不屈、間關流離、遂終身於夫家墳塋之地、蓋天亦憐其志、有陰助之以完其節也、嗚呼烈哉、

石川氏之祖曰有光、其先出于多田滿仲、滿仲第二子曰大和守  
賴親、賴親子曰福原三郎賴遠、有光者、賴遠之長子也、姓源氏、初  
居攝之物津、稱物津源太、康平中、爲源義家代官、居奥之石川庄  
泉邑、管仙道七郡、稱石川冠者、又稱安藝守、須益從伐阿部貞  
任、有功、加賜奥之大沼羽之河邊二郡、石川氏又賜下毛那須上  
毛足利利根諸邑、津古別有光生四子、長曰光祐、別居藤田、  
藤田一曰大寺、系作津々古別神社緣起者曰肥前守光衡、其裔  
也、緣起至其曾孫中務大輔清光、爲其宗、昭光所并、次曰光平、居澤

陸奥九家世紀卷之三

桑名 片山器 編集

全 秋山 斷 校

石川石川氏世紀

石川氏之祖曰有光、其先出于多田滿仲、滿仲第二子曰大和守  
賴親、賴親子曰福原三郎賴遠、有光者、賴遠之長子也、姓源氏、初  
居攝之物津、稱物津源太、康平中、爲源義家代官、居奥之石川庄  
泉邑、管仙道七郡、稱石川冠者、又稱安藝守、須益從伐阿部貞  
任、有功、加賜奥之大沼羽之河邊二郡、石川氏又賜下毛那須上  
毛足利利根諸邑、津古別有光生四子、長曰光祐、別居藤田、  
藤田一曰大寺、系作津々古別神社緣起者曰肥前守光衡、其裔  
也、緣起至其曾孫中務大輔清光、爲其宗、昭光所并、次曰光平、居澤

井季曰光賴居川尻子孫各據其邑數世而其世次不可詳也第三子曰治部大輔基光繼其宗世居泉館石川系圖基光數世之孫曰七郎義光元弘三年北條高時遷帝于隱岐天下叛之新田義貞起兵擊高時于鎌倉滅之義光從戰于稻村有功及足利尊氏叛犯京師義光屬足利氏戰于叡山敗死義光孫曰中務少輔滿持系圖建武二年滿持從足利氏命出兵下野文書是歲太郎光春其子基光攻唐橋經泰于湯本四年與伊賀盛光合兵戰于三箱湯本之間延元三年小平光俊從北畠顯家西征戰于安部野畧浦等處並同上康永元年足利氏以吉良貞家畠山高國為陸奥兩管領經略奥州於是諸雄相尋納款時石川氏族千石有大和守時光板橋有掃部介高光兄弟也而高光屬足利氏時光攻取其邑然官軍勢漸衰亦終降附足利氏仙道表鑑及文書觀

應中畠山高國據邑屬官軍高光從吉良貞家擊之松藩徵古應永之季有屬上杉禪秀伐足利持氏者其姓名莫傳文書正長元年族人溝井六郎戰于依上獲里見刑部少輔是歲與白河結城氏朝構兵並同上義光玄孫亦曰義光稱駿河守薙髮曰光念系圖寬正元年將軍義政下教徵兵擊足利成氏石川氏終不出兵本朝通鑑文明十一年結城政朝來侵長牒日記光念子為中務少輔持光持光子為治部大輔宗光宗光子為中務大輔成光成光子為駿河守尚光尚光子為植光植光子曰晴光稱修理大夫系圖永祿八年二月石川郡司小平修理以兵七百據中村別築小壘于日照田一關與田村清顯相持十九日矢吹筑後中館左衛門曲木武兵衛以騎二百橫衝田村陣修理出兵其旁欲夾擊會佐竹氏二階堂氏援兵亦至不果清顯乃退入守山伊達田村畧記晴光

無子、養伊達晴宗第四子為子、稱大和守昭光、系元龜二年四月、葦名盛氏結城義親與佐竹義重大田三樂構兵、昭光與相馬盛胤謀平之、北越軍談小平修理來奔、密記天正三年六月、昭光與白川兵戰于野出島、互有死傷、白川記五年五月、田村清顯侵蓬田、城兵乞救、晴光乞兵會津、徑入田村郡、清顯退救、密記六年三月、昭光將兵與白河將大冢吉久戰、獲吉久、白川記十一年、伊達輝宗老、正宗代之、兵威漸振、四隣畏之、通鑑十三年、昭光會佐竹葦名岩城白川兵、略安積郡、陷中村、與米澤軍戰于觀音堂、交綏、同上諸將進攻玉井、擊米澤軍敗之、永慶記是歲、豐公為關白、通鑑十四年、伊達正宗取二本松、永慶記十六年、從佐竹氏葦名氏等攻郡山、略記七月、諸將與伊達氏相持累月不解、岩城常隆來謀平、於是諸將皆還其邑、通鑑昭光之姊、佐竹義重之室也、是以

昭光屬佐竹氏、葦名氏惡之、合白河須加川三春四本松兵來侵、昭光以千餘騎禦之、敵入大寺、永慶記十七年、敵自大寺來侵、擊却之、斬首三十四級、夏、伊達正宗取會津、冬、取須加川、昭光以兵從之、正宗以須加川與昭光、並同上十八年、豐公東征、收伊達氏侵掠之地、於是昭光從伊達氏之其國、遂為家臣、系圖初昭光欲臣伊達氏、謀之群臣、溝井六郎獨請死守、昭光不聽、出自後門、走伊達氏、六郎聞之大怒、遂自殺、同上野史氏曰、石川本隸白川郡為鄉、後升為郡、蓋其地西際逢隈川、東北連岩城田村諸郡、南與海道諸郡以山為界、山多田少、其石奇、為園池者、皆爭尚之、水泉清冽、底多白沙、日光照之、金色爛然、蓋地產雲母故也、然其疆域不大、石川氏據之數百年、其支族食一村一邑者、姓名雖聞見于載籍、嫡庶且不可辨、要之、皆齷齪

陸奧九家世紀卷之四

不足道也、

Blank page with faint bleed-through text from the reverse side.

陸奧九家世紀卷之四

桑名 片山 器 編集

全 秋山 斷 校

田村田村清顯世紀

田村清顯者、征夷將軍田村麻呂之裔也、田村麻呂父曰刈田麻呂、爲陸奧守、生田村麻呂于田村莊、故名焉、子孫居其地者、世稱田村庄司、世系綿遠、不可得而詳也、大系圖鎌倉大草紙元弘建武之際、有刑部大輔者、從北條氏犯笠置、太平記後歸順服屬官軍、延元三年、有宗季者、就結城親朝請爲莊司、允之、結城文書興國二年八月、莊司及伊達石橋南部滴石等、經略斯波岩手二郡、誅稗貫氏、南朝記傳三年、高師冬圍北畠親房于關城、田村伊達等出兵于常陸、援之、既而皆通師冬、本朝通鑑正平三年、藤田靈山陷、官軍益衰、



六年屬吉良貞家、從入柴田郡。上同七年、北畠顯信起兵于  
 奧州、莊司及伊達行朝等復應之、與吉良貞家相馬胤賴等戰于  
 安積郡戶谷田、佐々川諸處、互有勝負、方是時、官軍勢微、諸將相  
 尋降、附足利氏、而有志于王室者、唯田村氏與伊達氏而已。上同  
 南朝既亡、應永之初、有莊司清包者、起兵、足利氏遣其族滿村  
 來伐、清包兵敗。傳記三年、小山若丸作亂、足利氏滿伐之、若丸  
 丸來奔、清包與若丸奉新田氏、據邑拒之。大草紙清包與結城  
 滿朝、小山義景戰不利。長牒二月、足利氏滿以關東十二國兵  
 來伐、六月、入白河城、清包度難敵、與若丸共逃、於是氏滿割田  
 村庄三分之一、與小峯政常。大草紙十八年、小山隆政匿庄  
 司家、謀作亂、上杉氏憲遣結城滿朝、小山長沼等伐之、隆政遁。日  
 續太  
 平記  
 廿三年、從笹川滿貞伐足利持氏、持氏得罪於將軍義政

也。通鑑長祿二年、將軍義政伐足利成氏、下教與羽、出兵會之、田  
 村以出兵遲緩被譴。文書清包之後、有左京大夫利顯者、清顯之  
 曾祖王父也、有勇名、數與岩城白河相馬安積諸士戰、威振仙道、  
 仙道表鑑利顯之孫曰安藝守隆顯、嘗侵略白河、取廿一邑、結城氏  
 乞平、乃還。伊達田村略記天文元年、與伊達氏戰。日十三年、隆顯與  
 石川植光和好。石川文書十九年、葦名盛氏侵中地村、乞平、乃去。日  
 隆顯生清顯、稱玄蕃允。系圖廿年、清顯與葦名盛氏結城晴綱  
 二階堂照行、畠山尙國和。結城文書永祿六年、先是、青田左衛門得  
 罪相馬氏來奔、清顯置之新館、稱新館山城、相馬盛胤怒、欲擊山  
 城、而清顯每援之、至是、山城獵于釘野、盛胤知之、遣齋藤伊賀掩  
 之、山城僅逸。永慶軍記八年二月、清顯率兵千餘擊小平、修理于中  
 村、不利、會佐竹氏、石川氏來援、小平、清顯退入守山。日元龜二





頭出砦拒之赤坂上同

清顯遣田村月齋田村梅雪帥二千人擊

四本松合戰于十石畑不利記永慶

築砦初森大內定綱來爭我

兵不利又築滑津亦來爭遂不能成上同

十一月岩城兵攻田原

井略十三年三月十日田原井陷上同

清顯與大內定綱戰于

千石畑復不利初大內氏屬我其弟助右衛門與田村右馬頭爭

有隙於是定綱兄弟附輩名氏仙道月矢卷清顯屢擊大內氏不利月

齋曰我每戰不利者以彼有會津二本松須加川之強援也如出

其不意襲高倉必有利清顯從之夜襲高倉不克記永慶清顯以

三千人築壘千石森大內備前來爭我軍敗走清顯弟定顯死之

死者八百餘人略五月清顯乞師伊達氏復出仙道擊大內定

綱于小手森小濱之間敗之獲長谷豐前定綱走會津十四年

與岩城常隆戰于下枝城並同上十一月大膳大夫清顯卒清顯

娶相馬高胤女無子以弟善九郎定顯為子定顯死于千石畑之

戰有一女嫁伊達正宗於是諸士議以家政聽之伊達氏夫人相

馬氏以其所生女適伊達氏無寵恨之與田村梅雪田村右衛門

大夫謀召相馬義胤而田村月齋橋本刑部等不從是以臣民不

和永慶十六年四月石川彈正附相馬氏月齋謂伊達正宗曰

彈正已叛如公不速來國人皆屬相馬氏正宗得報便發抵築坂

相馬義胤已在築山正宗退次大森同上五月群臣相議言相馬

舅也伊達甥也勢難適從不如西辭之眾以為然然夫人既招義

胤義胤遣新館山城村助右衛門來見夫人而潛從其後刑部

等覺之皆藏兵先入要梅雪拒義胤義胤將入門銃發丸中其馬

馬斃義胤僅免退走中村山城等奉夫人亦奔中村同上十三日

伊達正宗次宮森諸老皆往見之於是正宗擊石川彈正于小手

森取之、築山百目木皆潰、田村月齋等遣兵攻大越紀伊守、不克、乞兵伊達氏、正宗遣伊達成實國分盛重助之、紀伊守度難守、出奔中村、又奔岩城、秋八月、諸將相議、白正宗迎夫人相馬氏于舟曳、以正宗弟孫七郎爲清顯嗣、乞正宗諱、稱宗顯、徙居三春、逐梅雪及其黨與三十八人、梅雪等走小野、依岩城氏、十七年春三月、相馬義胤以佐竹氏輩名氏岩城氏兵來侵、宗顯乞救米澤、伊達正宗遣大條尾張郡攝津瀬上中務救之、最上氏兵亦至、宗顯督之、與敵相持曠日、正宗聞之、襲相馬氏之駒峯新地取之、廿七日、敵圍大平、六月陷、大平入道常伴死之、岩城兵陷門澤、相馬兵攻常盤、破其外郭、宗顯遣橋本刑部田內宮內協守、時伊達正宗既取會津、聞三春屬邑相尋陷沒、分兵三千來救、岩城相馬兵皆退、先是、岩城常隆陷小野、大越紀伊守降之、宗顯怒曰、

縱失三春、紀伊不可不梟、乞兵米澤擊之、紀伊守悞、會岩城常隆遣龍子山車二人協守、紀伊守竊謂田村月齋曰、某以譖得罪、如赦其罪、以復其邑、則請斬岩城協守二將以謝之、小野亦可取也、月齋言之、宗顯強而可之、於是紀伊守語之弟甲斐守、甲斐守不從、告之常隆、常隆誘紀伊守于岩城斬之、冬十月宗顯從伊達正宗、出次片平、畧矢田野橫田之地、田村月齋謂正宗曰、矢田野橫田不足勞兵、不如徑取須加川、彼雖有佐竹岩城協守之兵、不過六百人、正宗然之、因問其所向、月齋曰、南郊雖平、不如西原之可、俯視城中也、於是進兵西原、廿六日、遂取須加川、月齋之謀也、  
上並同

野史氏曰、仙海二道諸家、伊達氏皆與之連姻、旋而恣吞噬、一何忍也、唯田村氏始終罔忤、而伊達氏亦有賴其力、豐公東征、從而

見遷、遂列勝氏之後、與之相終始、余索其先世之功德、蓋亦少傳焉、噫、

陸奧九家世紀卷之五

桑名 片山 器 編集

秋山 斷 校

四本松吉良宇都宮石橋大內世紀

野史氏曰、建延之際、兩朝分統、國人各屬、互相攻伐、無能統一焉、於是足利氏置兩探題於安積郡、以控制之、似得其策者、然其地北有米澤、西有會津、南有須加川、三春、白河、東南有中村、四面受敵、固非用武之地、加以任非其人、是以終不得其力、如四本松、其尤甚者也、大內氏以篡自立、反覆自救、嗚呼、何足道哉、我固不欲縷述、况其記載不存乎、因合記四家、以見其略云、  
吉良左京大夫貞家者、足利義氏之子也、  
探題、築館于四本松居之、與岩切畠山高國相並鎮、陸奧、以伐不

子恐後

屬足利氏者松藩貞和三年七月、貞家及畠山高國以結城顯朝相馬胤賴伊賀盛光等、攻藤田靈山陷之本朝通鑑自是奥州大半屬足利氏、北畠親房走吉野同上五年三月、貞家帥兵伐糠部滴石飯野文書觀應元年、足利直義與其兄尊氏有隙、歸降官軍、畠山高國據邑應之、貞家率伊達彈正少弼宗朝相馬讚岐守胤賴相馬次郎左衛門義衡小澤但馬守顯行石川掃部介高光攻之、明年二月、城陷、高國父子三人自殺徵古三月、貞家擊北畠顯信走之、又檄結城顯朝守白河關結城文書十月、貞家檄伊賀盛光等、擊北畠顯信于名取郡岩城文書尋以相馬親胤伊達行朝田村庄司赴柴田郡通鑑是歲、南北講和、停觀應號皇年代記三年二月、南北和破、復用觀應號祇園日記於是貞家以結城朝常代新國司文書陷宇都峰通鑑四月、北畠顯信復起兵、田村伊達等應之、貞家率相

馬胤賴國魂隆秀伐之、戰于安積郡、互有勝敗、七月、畠山國詮屬于官軍、貞家擊之於田村莊久野原敗之、移檄四隣、索皇子及北畠顯信並同上貞治六年四月、奉將軍教、擊大崎治家文書應永四年五月、貞家遺書結城朝常、賞其擊田村功同上貞家子曰滿家、襲父職、後奉足利氏滿命、還鎌倉徵古宇都官刑部大輔氏廣、明德元年夏四月、代吉良滿家鎮四本松、應永六年九月、大內義弘土岐賴直作亂京師、氏廣據四本松應之、斯波左京大夫詮持石橋左衛門棟茂伊達兵部少輔成重相馬氏岩城氏伐之、氏廣及其子氏公自殺、斯波伊豫守持氏代之、鎮四本松、尋以石橋左近將監滿博代之徵古滿博者、石橋棟茂子也、永享十二年六月、與畠山滿泰攻篠川滿貞殺之、滿博子曰義仲徵古義仲小字松壽、結城氏朝奉足利持

氏之孤起兵也將軍義教下教徵兵會攻結城而松壽不出兵嘉  
吉元年結城陷義教下教責讓之通長祿二年將軍義政徵兵

伐足利成氏于古河松壽以出師遲緩被譴上同義仲子曰尙義

稱修理大夫相繼居四本松後為家臣大內備前所築古四本

松一作鹽松

大內備前宗政者石橋氏之老也築石橋氏之邑據之古天文

十六年秋八月從伊達晴宗蘆名盛氏擊相馬國胤敗還長日記

宗政之後曰備前宗綱又曰顯綱其子曰太郎左衛門顯德木禮

其後曰定綱亦稱備前世屬伊達氏後叛附田村氏及伊達

輝宗為其子正宗娶田村氏定綱大悞又屬羣名氏嫁女二本松

以自固永定綱以二本松兵攻石川彈正于百目木會田村

氏救兵至與之戰不利上同田村清顯築壘十石畑定綱襲敗之

清顯又築初森又攻之清顯怒軍于千石森定綱復擊敗之斬首

八百上同天正十二年冬十月伊達輝宗老正宗代之先是定綱

與會津老陰謀偽降伊達氏誘其諸臣使之屬會津就片倉意休

請降附至是定綱親如米澤賀其襲封正宗謂之曰昔者卿家世

依賴我一旦疎絕今復和好盍移家以相就定綱諾之正宗悅與

之宅地以營屋十三年春正月定綱請曰雪深未能經營屋宇請

姑還邑待雪消移家正宗許之既而不往又不遣其家正宗屢促

之不應大內長門有謾言正宗大怒來伐聞刈松田青木修理亮

恨備前遣人誘之以叛修理亮從之然以其質子在我欲奪而後

舉兵八月誘我寵臣中澤大河內大內三人曰獵期已至請與馳

騁以樂三人至醉奪其兵幽之一室欲以易其質遣人報之米澤

且乞兵定綱聞之來攻斬首三十正宗得報以兵一萬三千次杉

目爲之聲援，既而踰逢隈川，抵川股，合田村氏兵薄小手森，定綱聞米澤師出，乞救于會津二本松。四家合考九月廿一日，伊達正宗攻黑籠小瀨川，二本松兵來救，正宗退師，城兵出而尾之，正宗回師斷我歸路，遂來薄城下，城兵死者五十餘人。是夜，定綱退保小瀨。廿七日，伊達成實移營竹屋敷，斷小手森走路，城中窘急，請致城而去，成實不許，放火鼓噪，小手森潰，築館樵山二砦亦陷。青木修理亮乞以其所執中澤等三人易其質子，三人者皆巨室之子也，故定綱雖忿其所爲，亦懼取恨巨室，遂許遣其質子。廿九日，伊達氏兵欲取岩津野，斷其救路，砦兵請救，定綱窘迫不知所爲，遂舍二本松，奔二本松，又奔會津，岩津野潰。十五年，定綱遣人乞降于伊達氏，先是定綱之附會津也，會津諸老許以四老闕待之，既而背約，定綱悔之，故復介伊達成實乞降，成實以爲

備前仙道之故主也，設彼已降，仙道亦應取也，乃言正宗而許之，且使說其弟片平助右衛門同降附，於是定綱入片平。並同上十六年，先是畠山義繼被殺，其孤奔于會津，二本松沒于伊達氏，至是遺民謀復二本松，請之定綱，定綱許之，率片平阿子高玉兵襲伊達氏之邊邑，取苗代、田玉井二邑。永慶記片倉景綱復諭定綱降，定綱知會津終不可恃，遂奔片倉氏。合考伊達成實怒定綱反覆，言之正宗，欲不許，或曰：備前投降，片平可得也，成實乃請之，正宗就與其邑。合考夏四月，定綱如米澤，葦名義廣聞之大怒，出兵攻片平，米澤兵來援，與之戰于觀音堂，義廣入片平，取其質而去。六月，義廣復出兵攻郡山窪田，佐竹氏結城氏等兵皆會之，伊達正宗與之相持，彌月不解，於是岩城常隆來謀之，平、八月，平成，十二月，片倉景綱使定綱誘其弟片平助右衛門叛于會津，蓋



陸奧九家世紀卷之六

欲怒葦名氏以為兵端，助右衛門遂叛降于伊達氏，葦名義廣怒殺其所質母，自是大内氏世臣于伊達氏，則...

陸奧九家世紀卷之六

桑名 片山 器 編集

全 秋山 斷 校

二本松 畠山氏世紀

畠山上野介高國，父曰時國，時國父曰泰國，足利氏之族也。系圖  
康永元年，足利尊氏以仙道諸士割據，不相統一，以高國為陸奧探題，居之安達郡。高國城郡之殿地岡，一曰岩切，松藩貞和二  
年，高國及吉良貞家督結城顯朝相馬胤賴等，攻藤田靈山諸壘，  
陷之，自是奧州大半屬足利氏。本朝通鑑 觀應元年，足利直義與其  
兄尊氏有隙，出奔和州，降附南朝。高國據岩切，舉兵應之。同上 二  
年，吉良貞家督伊達宗朝相馬胤賴石川高光等來攻，城陷。高國  
其子國氏自殺。櫻雲記 國人奉國氏子大石丸走會津，依蘆名氏。

陸奧九家世紀卷之六



長稱官內少輔國詮圖系文和元年北畠顯信舉義兵國詮屬之

與吉良貞家戰于田村莊不利通鑑三年二月復降足利氏襲父

祖職任修理大夫圖系貞治六年大崎治家掠名取郡國詮及吉

良貞家以結城顯朝伐之文結城應永廿年十一月伊達松丸

懸田播磨守據大佛城國詮奉足利持氏命擊之十二月城陷松

丸丸遁南朝國詮卒子滿泰嗣任修理大夫城二本松徙居之

系圖永亨十二年六月與石橋滿博擊篠川滿貞殺之古是歲

結城氏朝奉持氏二子起兵將軍義教下教與州諸士會伐之而

滿泰不出兵通鑑滿泰子曰修理大夫持泰持泰子為治部少輔

政泰政泰子為尙國圖系天文之末仙道大亂尙國謀與蘆名田

村結城二階堂平文結城永祿七年義國為蘆名盛氏所殺義國

者尙國也永慶義國子曰義繼稱右京亮圖系田村清顯襲高

倉義繼自出救之擊清顯敗之追北復敗之清顯僅免永慶天

正十三年秋八月伊達正宗伐四本松進薄小手森義繼欲救之

而兵寡乃乞師會津師未出九月大內備前度不能守棄城來奔

正宗進次小濱謀伐我義繼謂左右曰盛隆死其子幼弱四郡且

猶不能保安有仙道不如降附伊達氏以自救於是使就伊達

實元乞服正宗不允上同十月伊達輝宗次淺香原義繼自往哀

懇不已輝宗為之請正宗乃許七日義繼往見輝宗正宗謝之八

日義繼復如輝宗營從者僅廿三人輝宗未出從者見陣後磨刀

者問曰何為其人戲對曰欲以從事降者從者走還告之義繼怒

其所欺既與輝宗見退輝宗送之階下義繼急捉其襟拔刀擬之

輝宗左右驚愕莫敢動者義繼擁輝宗而走時正宗獵于野聞報

馳至義繼已在河上正宗放銃斃一人義繼知不免刺輝宗殺之

又自刺從者皆死、正宗追至、寸斬義繼尸之事、聞二本松留守諸士奉國王丸據城拒守、四家合考國王丸遣使常陸乞援、佐竹義重率師次須加川、會津岩城石川白川那須黑羽兵皆至、無慮二萬餘、須加川將須田美濃謂義重曰、中村若爲伊達氏守、請先取之、義重從之、遣美濃及河井甲斐攻取之、永慶記十一月十日、伊達正宗次岩角、遣國分盛重、天童盛澄當我、芳川寬清擊之、不利、是日、義重督諸家兵、與正宗戰于入取橋、互有勝敗、既而義重聞江戶重通里見義賴等侵其國、撤兵而去、並同上十五日、伊達氏軍來攻、諸將固守不出、伊達氏軍退次高田、是夜、大雪、十八日、伊達氏軍撤圍入小濱、合考十四年正月朔、國王丸謂諸將曰、父讎未復、今近在澁川、孰爲予擊之、諸將皆曰、諾、於是出兵二本柳、鹿子田右衛門伏兵山陰、親卒輕卒薄澁川、發銃、敵見其寡單、爭出

逐之、伏發、敵駭走、會敵自八丁目來救、左衛門恐其斷歸路、收兵而退、永慶記三月三日、箕輪玄蕃等貳于伊達氏、陰納外兵、事覺、新庄彈正以兵二千掩擊其入城者、却之、初玄蕃忌鹿子田有功、毀之、鹿子田怒欲伐之、故玄蕃遂有外心、以及此云、城中聞伊達氏軍將復至、乞救于佐竹氏、佐竹氏兵來在須加川、米澤先鋒涉逢隈川、佐竹義久軍于河上、欲擊其半渡、敵不戰而退、是夜、入安積郡、義久追擊不利、四月五日、伊達正宗復來、相馬義胤會之、七月、城中糧竭、相馬義胤諭城兵致城而去、十四日、國王丸舉族奔會津、依蘆名氏、畠山氏亡、並同上野史氏曰、伊達氏之蠶食仙道也、二本松居其首、蓋肘腋之下豈容其眠食者也、何可得免、然戲言促禍、兩家共之、既忍其父、何有於我、孤城無援、雖堅何益、畠山氏之事、蓋有足深悲者焉

陸奧九家世紀卷之七

陸奧九家世紀卷之七

陸奧九家世紀卷之七

會津蘆名氏世紀

桑名 片山 器 編集  
全 秋山 斷 校

蘆名光盛者、佐原十郎義連之孫也、義連從源二位賴朝伐奧州有功、食會津四郡、義連生遠江守盛連、盛連生六子、分食四郡、長子經連、食耶麻郡、稱猪苗代氏、次子廣盛、食河沼郡、稱比田氏、第三子盛泰、稱藤倉氏、第五子盛時、食賀納、世任三浦介、第六子時連、食新宮、稱蘆名氏、第四子為光盛、任從五位下左衛門尉、食會津大沼二郡、稱會津氏、又稱蘆名氏、故世人稱時連為新宮氏、以分之、四家合考光盛次子曰泰盛、泰盛有三子、長曰盛員、任遠江守、次曰盛宗、建武二年、北條時行作亂、盛員及其子高盛從襲鎌倉、

死于腰越南朝故其弟直盛襲封任若狹守圖系文和三年直盛城于黑川小田里小高木居之長牒日記先是世在鎌倉直盛始居其邑圖系山内俊行城野尻長牒日記康曆元年直盛長子彈正少弼詮盛至自鎌倉居幕内同上是歲新官明繼伐北田地頭佐原政泰不克而死同上永德二年徙小館同上至德元年城小田山徙治之改黑川同上明德三年自四月不雨至十一月飢同上應永四年正月小山若犬丸起兵叛于鎌倉足利氏滿伐之若犬丸逃亡直盛獲其二子獻之鎌倉殺之鎌倉大草紙直盛卒詮盛襲封圖系五年十一月足利氏滿卒詮盛殉之年四十三子盛政繼稱修理大夫同上七年盛政及伊達圓孝叛足利氏不從篠川滿貞命大草紙九年自春三月不雨至七月草木皆枯自七月至十月大雨霖大飢小兒七歲以下皆投之水長牒日記十年新官時廣

此一項恐有誤

作亂盛政伐之時廣奔越後同上十七年北田上總等據邑以叛六月伏誅同上十八年十月盛政薙髮稱義安同上廿二年新官時廣復入其邑盛政伐之不克同上廿三年上杉禪秀奉京都將軍教伐足利持氏盛政遣其子盛久從之大草紙持氏持仲卒于亂盛政弟五郎盛仲殉之日記九月佐々川憲基與長嶺越中戰于稻村憲基敗死同上廿五年正月廿四日盛政復伐時廣時廣走于鹽坪遠田鹽川同上廿六年六月時廣陷小川紫七月盛政擊小布瀬原右近敗之右近時廣之黨也同上是歲洪水同上廿七年自五月不雨至八月同上六月拔新宮誅時廣斬首百八十六級同上卅三年九月大雨會津洪水同上卅四年七月廿七日八月六日大雨洪水同上正長元年六月大雨洪水同上永享四年五月盛政卒年四十七子修理大夫盛久嗣又稱下總守系圖本

五年九月、新宮時廣之子時兼復入小川庄、攻津川、十月、金上盛勝擊時兼誅之、日記 七年、會津四郡大疫、人多死、同上 八年、自

四月不雨、至九月、同上 秋、地大震、同上 嘉吉元年、將軍義政下教、

謂讓盛久不會伐結城、通鑑 文安元年、盛久卒、無子、其弟盛信代

立、系圖 稱下總守、通鑑 四年、盛信薙髮、以弟重氏為金上村地頭、日

五年、關飯豐山道、以通越後、同上 寶德元年、始取買小川庄漆

蠟、同上 三年二月、盛信卒、年四十四、葬天寧寺、子下總守盛詮嗣

上同 七月、松本右馬允襲多々良伊賀、伊賀遁入小高木城、劫盛

詮、右馬允追至、諸士多死、廿一日、諸士奉盛詮入右馬允館、伊賀

自殺、舊事雜考 八月、猪苗代盛光攻濱崎政賴、小峰義季來和之、日

秋大雨洪水、同上 享德二年、松本筑前以白河兵攻松本右馬

允於芳賀將監家、右馬允走日光山、將監走野州、途為長沼政義

所殺、舊事雜考 八月、右馬允還入伊奈、依河原田重直、尋陷小林館居

之、小林者山內俊光之邑也、故俊光圍攻之、同上 九月、右馬允以

猪苗代兵陷濱崎、盛詮以白河兵攻鹽川濱崎、復之、誅右馬允、日

長祿二年八月、遣金上氏卒兵七千伐伊達氏、不利、同上 仙道

人山內越中乞兵白河攻田嶋、盛詮救之、互有死傷、既而白河兵

還、越中走入中野館、父子三人自殺、舊事雜考 寬正元年小高木城

災、日 五年、猪苗代盛光叛、犯黑川、同上 文正元年、盛詮卒、年卅

六、葬宗榮寺、子修理大夫盛高代之、同上 應仁二年七月、大風雨、

洪水、文明二年、盛高會于伊達氏結城氏、四年二月、黑川城

災、自正月不雨、至六月、禾稼皆枯、是歲飢、九年飢、十三年、

殺高田城主澁川義基、十四年、修猪苗代城、並同 盛高娶伊

達氏、口宗女也、合考 十六年八月、伐須賀川二階堂氏、殺傷相當

十月、還日。明應元年、猪苗代氏臣金曲伊賀謀叛、事覺被誅上同。  
 四月、富田淡路作亂、盛高避之伊藤館、遣兵擊誅之上同。三年、  
 伊達尙宗與其子植宗有隙、盛高親如長井勸解之。四年十一月、  
 松本備前伊藤民部謀奔宇都官、事覺伏誅。七年、執松本右  
 馬允誅之、并誅其黨松本豐前前年右馬允既伏誅是或其子與。九年、誅松本  
 對馬于中野館、對馬者右馬允從父也、其弟勘解由據綱取以叛、  
 二月、攻綱取拔之、勘解由降。文龜元年、猪苗代盛賴反、六月、遣  
 出羽判官盛滋擊降之。二年、北方地頭拒命、擊誅之。三年、仙  
 道山內右近叛、盛高親擊之、次本宮。是歲、田島氏長沼氏與宇  
 都官氏戰于鹽谷郡。永正元年、飢饉、會津米升百文。遣窪島  
 越中山內俊家守檜原口。二年、盛高興與其子盛滋有隙、松本源  
 藏奉盛滋據綱取、十月、盛高興與之戰于鹽川橋、盛滋奔米澤。是

歲、會津大飢、死者三千人。三年、盛高父子平、八月、盛滋至自米  
 澤。五年、越後長尾氏臣竹俣某來奔。七年、長尾爲景侵津川、  
 金上盛信其子盛備擊却之以上並同。白河亂、結城五郎來奔合。  
 十四年、盛高卒、年七十、葬實相寺、盛滋代之日。十七年六月、與  
 伊達植宗伐最上氏。是月、松本大學謀反、事發伏誅。田島長  
 沼實國叛、焚略村落、遣弟盛舜伐之、實國降。六月、猪苗代盛光  
 復叛、松本新藏人鹽田刑部黨之、犯黑川、不克而走、新藏人刑部  
 伏誅並同上。大永元年二月、盛滋卒、無子、弟盛舜代之系。四月、  
 南山兵來侵、盛舜發兵擊之、伊達氏來謀之平、乃還合。四年七  
 月、黑谷地頭山內兵庫叛、伏誅日。自四月不雨、至是月、享祿  
 元年三月、黑川火。是歲、大旱、只見川竭並同上。九月、援伊達氏  
 伐葛西雜。三年、四年、大有年、米升七文日。天文元年、實國復

叛、盛舜擊降之、三年、仙道大亂、四年、會津飢、結城五郎復  
 歸白河、五郎避亂來寓于我廿五年矣、是歲、四郡多盜賊、捕磔  
 者七十人、五年、黑川災、六月、大水、平地水深八尺、八年、耶麻  
 郡亂、並同七年、黑川城災、盛舜徙居平田石見邸、盛氏居佐瀨  
 大和邸、雜考九年八月、大風、日記十年十一月、猪苗代盛光復叛、  
 盛舜遣兵擊降之、雜考十二月、改築黑川小高木城、同上七月、遣  
 兵擊橫田山內氏敗之、遂擊伊南河原田氏、又伐官津砦、日記十  
 三年、橫田山內俊清築壘于金山谷、置季子俊甫、十四年、沼澤  
 山內政家弟氏信築壘于車嶺據之、十六年、與伊達晴宗大內  
 備前擊相馬國胤、敗還、猪苗代復叛、擊降之、十八年、與伊達氏  
 擊最上氏、十九年、出兵中地村、田村氏乞和、乃還、廿年、西方  
 山內信重襲高尾若狹守奪其邑、飯岡遠江降之、並同上廿三年

八月、遠江守盛舜卒、年六十四、子盛氏代之、系圖弘治元年、以安  
 妻白河結城義親、雜考松本某小檜山某叛、伏誅、日記永祿元年、  
 遣佐瀨大學爲子盛興聘伊達輝宗妹、雜考二年、遣其老富田平  
 田出兵仙道、仙道平、三年、盛氏爲佐竹氏戰、合考三月、那須資  
 胤次于小田倉原、爲佐竹氏聲援、盛氏以兵二千會于結城義親  
 擊資胤、不利、佐瀨源七死之、那須日記四年、出兵南山、雜考八年七  
 月、伊達氏入檜原、拒却之、合考九年正月、二階堂氏來賀正、雜考  
 伊達氏兵復入檜原、城代佐瀨玄蕃穴澤某等拒之、時深雪、敵兵  
 墜壑死者甚多、斬首五百餘級、合考二月、盛氏攻岩瀨郡橫田取  
 之、八月、帥還、同上十二年、遣兵三千七百人助佐竹義重、與北條  
 氏康戰于野州、承慶日記元龜二年、與佐竹氏構兵、雜考天正三年、  
 盛氏築城于向羽黑老焉、薙髮號止々齋、盛興徙治黑川、盛興病



酒、七月卒、年廿九、無子、於是盛氏復徙黑川聽事、考合八年六月、盛氏卒、年六十、以須加川二階堂盛義子爲嗣、稱盛隆、九年、田村清顯侵須加川、盛隆以佐竹氏兵擊之、清顯乞和、還其侵地于須加川、遣使京師、饋馬三匹、蠟燭千枚于織田信長、信長奏請以盛隆任三浦介、盛隆遣金上盛備謝之、信長又奏請任盛備於遠江守、十年、龜王丸生、二月、遣須加川兵屯白岩壘、爲田村清顯所陷、盛隆出攻高倉、與伊達正宗戰于入取橋、保土原山城死之、十一年、盛隆如羽黑、東光寺觀舞、松本太郎栗村下總作亂、襲小田山城、盛隆遣佐瀨河內擊之、太郎等走入牙城、盛隆還、擊誅之、並同初、太郎父圖書死、國事盛氏以其闕闕、使太郎參國政、盛隆立、愛其姿色、欲以爲近侍、太郎不可、既而聞其與下總有私、怒欲誅之、故二人悞作亂、永慶十二年六月、大場

姓名備遺書  
與州家  
細卷之

三左衛門弒盛隆、三左衛門者須加川諏訪神祠神主之子也、相馬之役、一日三戰、盛隆愛其勇而有姿色、舉爲侍臣、後三左年長愛弛、出爲腰物番、故恨而弒之、國人誅三左衛門、奉龜王丸立之、考合十三年、伊達氏兵陷檜原、先是伊達正宗之襲封也、四本松大內備前往賀、正宗要之、移其妻子於米澤、備前諾而不遣、正宗怒、以爲是會津人所使也、於是遣兵攻檜原、不降、會城中有叛者、遂陷、正宗修築要害而據之、關柴松本備中以太郎之事恨盛隆、至是納款伊達氏、五月、正宗遣原田左馬助卒騎二千、協守關柴、備中縱火、旁近村落、事聞、黑川諸老相議、皆出到濱崎、中目式部曰、關柴已陷、慶德在敵中、我與慶德善、九郎善、不可不救也、請先往、乃以其所部兵入慶德、佐瀨河內其弟也、亦曰、兄已往矣、不可獨止、以其兵三百人赴之、於是號令不一、諸將爭進、金上盛備

藤名備遺書  
與州家  
細卷之  
三十九



亦會之、俱擊米澤兵却之。伊達田村實記伊達正宗退入檜原。藏名  
 松本備中欲走米澤、沼澤出雲中目式部遇之、途擊而誅之、諸老  
 相議、留太郎丸掃部戍入田付、穴澤善右三瓶大藏戍大鹽。實記  
 正宗在檜原作調馬場、自出調馬、穴澤善右聞之、藏弓矢、窺伏其  
 側、欲待其來近射之、是日、正宗三造場中、皆止其半、善右終不得  
 發、乃書其箭曰、公若來近、欲以為獻、題其姓名、樹之場上、而正宗  
 見之、遂留其老片倉景綱守檜原、還米澤。考合正宗遣人招猪苗  
 代盛國、盛國欲從之、其子盛胤不聽、乃止。同上八月、米澤師擊四  
 本松、遣中目式部平田尾張會二本松兵救之、廿四日、戰于小手  
 森、是夜、大內備前乘四本松奔保小濱、九月廿五日、備前來奔  
 四本松、沒于伊達氏、十一月、諸老會議曰、四本松已沒、仙道所  
 餘須加川高玉諸邑耳、宜乞兵於常陸白河岩城石川克復仙道、

於是遣使請之、皆會須加川、攻中村若取之、米澤兵分守高倉本  
 宮、十七日、諸將以岩城兵攻高倉、城兵出拒、擊敗之、敵自本宮來  
 援、白河須加川石川兵斷其後、敗之大田原、會日暮、乃期明日會  
 攻本宮、是夜、佐竹義政為其奴所殺、其軍先還、於是諸軍皆散、  
 十四年七月、伊達正宗取二本松、畠山國王來奔、十一月、龜王  
 丸卒、無嗣、諸老相議、乞佐竹義重子義廣為嗣、稱平四郎。並同上  
 義廣小字喝食丸、嘗為結城義親所養。永慶記初老臣平田富田  
 等欲迎伊達正宗弟為嗣、諸老不聽、故二人與諸老有隙、義廣既  
 立、舉大細讚岐等專國事、皆自常陸從來者、口專恣與諸老不相  
 下、將鬪、金上盛春和之、然諸將皆側目相視、故國人有離心。考合  
 十五年、先是越人新發田因幡叛上杉氏、乞救於我、我置兵赤谷、  
 以為應援、上杉氏數伐之、不下、十月、越人圍攻赤谷、城中乏食、遣

津川戍兵納糧不克於是城中援絕食竭城遂陷小田切三河守  
死之十二月大內備前復奔米澤義廣怒十六年出師安積  
郡以逼本官四月與伊達氏軍戰于觀音堂死者四十餘人遂入  
片平取大內氏質子而還閏五月十一日大夫人伊達氏卒並同  
上六月義廣復入安積郡以佐竹氏岩城氏結城氏兵圍郡山  
窪田二城伊達氏救之相持彌月不決八月岩城常隆石川昭光  
來謀和於是復與伊達氏平與羽軍記十六年八月伊達氏陷阿子  
島高玉二城先是伊達成實遣大內備前誘其弟片平助右衛門  
叛我助右衛門附伊達氏其母在于我義廣怒誅之至是二城亦  
陷伊達氏之平破矣同上猪苗代盛國嘗欲屬伊達氏以其子盛  
胤不從止盛國既老諸士皆朝盛胤盛國悔父子之間屢有違言  
義廣之立也盛國入賀不禮盛國益憤聞盛胤在會津襲奪其城

盛胤還無所入於是逐父家人戍金曲者據之盛國遣兵攻之義  
廣遣人譙其無上且察其舉動會伊達成實復招之盛國遂決意  
附伊達氏合考六月義廣與佐竹義重岩城常隆會于須加川謀  
擊田村清顯聞盛國叛伊達氏兵入其境即日還師同上七月五  
日出師揚上原以拒伊達氏以新國上總羽石駿河等爲先隊陣  
盤梯山麓金上遠江守荒井長門守二本松左京亮等陣湖上義  
廣卒七百人陣于原上猪苗代盛胤愧父貳叛以部兵直突米澤  
前部片倉景綱軍敗之諸隊乘之破伊達氏數隊然衆寡不敵我  
兵亦多死富田佐瀨平田諸老皆恨義廣止兵新橋陰通伊達氏  
戰酣燒橋斷道於是我師大敗赴水死者無筭義廣僅免入城軍記  
富田將監美作子也聞父降還使諫之不從乃以甘騎衝敵陣  
遇太郎丸掃部怒曰叛人我欲食汝親搏獲其首願謂其人曰天

已棄蘆名氏首級何為棄之徑入伊達正宗陳死之考合義廣逃歸然城中洵々無固志七日敵縱火城外民屋時鹽川及川三橋數砦皆潰是夜義廣以其私人奔常陸黑川不守軍記十一日伊達正宗入黑川考合金上盛備聞米澤師入境單騎赴之從者皆後與片倉景綱遇直入其陳而死正宗嘉其守節禮其首級而葬之新國上總走歸其邑知不能守遂納降川原田盛次以兵至聞黑川不守遣使請戰正宗嘉之温言慰之盛次乃還軍記十八年長沼盛秀攻盛次盛次擊却之於是遣使伏見納款豐公使固守以待東征盛秀數來攻終不屈義廣居野之烏山豐公東征賜之常州江戶崎義廣屢請復其封而豐公不允或謂義廣曰君已後蘆名氏而仍稱故名盍改以請之或見憐乎義廣以為然改曰盛重並同上

野史氏曰蘆名氏享國三百年矣地險民悍四隣皆懼其強大而莫之能伺也然義廣一縱其私人而不戢上下乖離舊臣宿將皆有外心檜原一敗四部瓦解傳曰在德不在險其不信哉

陸奥九家世紀卷之八

桑名 片山 器 編集

全 秋山 斷 校

中村相馬氏世紀

相馬小次郎師常者、千葉介常胤次子也、承中務大輔師國後、師國食總之相馬郡、因稱相馬氏、皆平良將之裔也、文治五年、師常從源二位賴朝征奥有功、六年、復入羽之仙北、獲大河原兼任、以功賜奥之宇多行方二郡、元久二年、卒、其子曰義胤、義胤子曰胤綱、承久之亂、屬北條泰時、其子曰胤村、胤村次子曰胤氏、無子、以弟彥次郎師胤為嗣、師胤子為重胤、系元弘元年、重胤從北條氏入京、本朝通鑑三年、徙居行方郡、系建武二年、從斯波家長擊北畠顯家于靈山、自是屬家長、屢立戰功、是歲、北條時行作亂入

鎌倉重胤戰敗死于法華堂重胤有二子長曰親胤稱出羽守次  
 日彌次郎光胤光胤在行方郡築壘小高號堀內上同延元元年  
 三月唐橋經泰相馬胤平攻小三保川侯光胤走保小高南朝  
 北畠顯家取宇多郡與相茶白川兵據宇多郡熊野堂光胤攻  
 之不利傳記廿三日經泰胤平來攻小高拒却之五月北畠顯  
 家復攻小高城陷光胤死並同親胤子曰胤賴尚幼遁入山林  
 二年斯波式部大輔兼賴為奧州管領傳記胤賴小字松鶴  
 丸聞兼賴東下起兵應之正月與結城宗廣戰于熊野堂獲中村  
 六郎進復小高據之上同曆應元年親胤從畠山高國吉良貞家  
 攻黑木橫川結城四年出羽守親胤得石堂秀慶機出兵于栗  
 原郡戰于三迫岩城貞和三年胤賴從畠山高國吉良貞家擊  
 藤田靈山田村宇津峯陷之本鑑觀應二年親胤從吉良貞家

入柴田郡上同三年胤賴補守護職系是歲胤賴從貞家入田  
 村庄又戰安積郡文和三年六月賜黑川郡南迫貞治元年  
 補陸奥海道檢斷職胤賴生憲胤憲胤生胤弘胤弘生重胤稱  
 治部少輔方是時東國大亂道路不通下總諸邑皆為人所奪並  
 上重胤有疾欲老群下以無嗣子強留之既而夫人有娠生男  
 是為孫次郎高胤高胤五六歲時重胤以家政付諸老遂遁五臺  
 山不許人來見高胤既長欲見其父正月某日狩矢河原留從者  
 獨入五臺山見重胤自是每歲以是日入見重胤卒葬太田岩屋  
 寺與相茶寬正元年將軍義政下教徵兵伐足利成氏高胤不  
 出兵通鑑長亨中高胤擊標葉郡主海道四郎清隆次于藤橋卒  
 于軍中家臣秘喪還小高發喪高胤稱治部大輔其子為盛胤盛  
 胤以其父不得志於標葉而死尋起兵擊之會天大雪且城中有

內應開門納之、清隆自殺、城陷、然郡中未悉服、或屬岩城、或附仙道、故置城代于新山、又置岡田義胤于權現堂以鎮之。茶話盛胤初名定胤、娶蘆名盛舜女、改今名、蘆名氏無子、妾生讚岐守顯胤、顯胤既長、約娶伊達植宗女、會盛胤疾病、植宗使飯尾尾張視之、顯胤見諸厨、尾張怒、還謂植宗曰、顯胤以鹽嚼爲事、不耐爲人主、植宗悔、盛胤屢促婚期、植宗托事不應、盛胤怒、遣青田左衛門木幡主水謂之、植宗不能違、乃許之、永正十七年、伊達氏至自米澤、而盛胤卒、家臣謀納其尸于瘞、以族人貌似盛胤者臥其牀、延伊達氏入見之、終其禮而後發喪。並同上伊達植宗欲爲其子晴宗娶岩城重隆女、介顯胤請之、重胤諾、且曰、重隆無子、請待其有子、養以爲子、植宗許之、約已成、會有爲白河請婚者、重隆惑之、有小高人商于岩城者、還告之、顯胤疑其不實、遣人詰媒人赤賀

閑鈞、信、顯胤大怒、大永四年、顯胤獵于岩屋寺高崖、野宿、夜語其老曰、我爲伊達氏約婚、而重隆食言、何以報伊達氏、我欲決死于岩城、江井河內曰、重隆日夜沈湎于酒、其腸已爛、死不遠也、待而乘之、可一舉而得志也、顯胤作色曰、我非貪地、特以失信於伊達氏耳、岡田攝津曰、君言是也、事須速發、於是下令三郡、明日、皆會新山、進攻富岡、少不利、退還小高、數日復出師、敗岩城兵于岩澤、敵知顯胤輅之、顯胤揮鐵骨扇打之、首碎而死、追北又敗之、明日、拔四倉、抵新田川、重隆請出女以和、許之、遂取其女以與伊達氏、以所取廣野四倉還岩城、置相馬胤乘於富岡、下浦泰清於木戶、於是顯胤威名著于四隣。茶話天文九年、伊達晴宗幽其父植宗于西山、先是植宗以顯胤孤軍入岩城、奪其女以嫁、我愛之、欲分其邑以與之、晴宗不可、遂幽植宗、植宗遣人告之、顯胤、顯胤遣

草野肥前窈迎植宗、肥前入西山、奉植宗、縋而出、入掛田、晴宗追而圍之、十年、顯胤帥兵四百援掛田、請復植宗、晴宗不聽、十一年、岩城重隆軍于掛田前山、為晴宗援、是夜、陣中失火、自潰、黑木彈正叛、遣木幡尾張擊之、二月、顯胤與晴宗戰于阿武隈川、敗之、追抵大森、又敗之、斬首百七十級、十一日、顯胤入掛田、五月、顯胤聞伊達氏兵不出、密與佐藤伊勢謀襲西山、伊勢謂諸將、慶雲夜見、盍出視之、諸將皆出、因帥之、徑赴西山、途與伊達氏兵遇、擊敗之、遂涉逢隈川、入西山、迎植宗、顯胤自殿而還、土兵邀之、遣善射者射賊馬、馬驚走、顯胤堅陣而退、土兵不敢近、乃涉川、次南岸、列兵水中、北岸水為深、土兵之尾者多溺、會掛田兵來迎、土兵乃散、於是顯胤始與植宗相見、館之于小高堀內、按、先是植宗已入掛田、今此亦云爾、蓋中間植宗復入居西山、而舊史或逸、顯胤弟三郎在富岡、顯胤之與伊

達氏相持也、管內諸城皆酉牌下、鑰以禁出入、而三郎有所嬖、夜屢踰柵而出、顯胤迎植宗而還、亦稱病不來見、顯胤疑其有貳、單騎入城、謂三郎曰、聞卿疾、故來、今已無事、盍臂鷹以逍遙、遂相伴而還、置之小高、遣室原伊勢守富岡、後三郎奔三春、又奔會津、黑木彈正之叛也、遣桑折左馬擊之、不克、至是顯胤親伐之、敗之、平野進圍黑木、乞降、乃質其子、後屢召之、終不來、顯胤之伐武石、以彈正為先鋒、托議軍事、召而誅之、遣兵取黑木、十二年、伊達氏群臣請植宗還米澤、植宗諾之、然其意不欲還、猶居丸森、初、亘理武石氏與黑木氏同叛、既而武石氏死、其子尚幼、家人乞赦其罪、顯胤置其母于小高、遣青田氏協守亘理、及義胤生、以武石氏母為乳母、其家人耻之、以亘理降于伊達氏、並同上十六年、伊達晴宗、蘆名盛氏大內備前來侵、拒卻之、長牒十八年二月二



日顯胤卒系圖顯胤愛士深得士心其與伊達氏戰于高見原而還也過同慶寺手書陣亡者姓名付僧祭之歔歔流涕而後入城故士卒皆感慟云茶話顯胤生盛胤稱彈正少弼木幡盛清青田左衛門輔之盛胤遣盛清于京師告其襲封既而聖護院僧至盛胤見之僧曰我唯聞有盛清耳青田聞之讒盛清盛胤信之遂殺盛清于椽窪村永祿二年為義胤娶伊達義宗女有間言琴瑟不調未幾伊達氏大歸田中城代桑折駿河死無子以佐藤伊勢代之駿河兄有為僧者聚其族據天神山拒命盛胤將攻之有為之請立其族人為嗣者許之然皆疎屬無當立焉者於是以大井肥前次子為後稱桑折肥前守田中及天神堂僧死遂取其地故其族皆恨時青田信濃鑿用事欲殺肥前及其族太郎左衛門招之太郎左衛門懼走訴之盛胤怒遣人護送太郎左衛門入

田中信濃聞之遂出奔樋渡民部其婿也與父攝津保新山盛胤遣中村肥前擊之攝津走仙道秋九月黑木中村兵侵磯部盛胤義胤擊之貝穴追北抵金谷川誅草野式部中村兵悉潰信濃奔三春北鄉悉平七年義胤會伊達元宗擊北目氏敗之元宗又要義胤擊金津拔之遣藤橋紀伊守戍之八年紀伊守誘古佐井守將殺之五月盛胤取古佐井斬首四十元龜元年夏四月盛胤義胤出兵金山欲以攻丸森城兵拒之於羽生川義胤以騎兵拵之河上盛胤徑襲丸森拔之並同二年蘆名盛氏結城義親與佐竹義重構兵不解盛胤與石川昭光謀平之會北條氏入下妻義重退去盛胤乃還北越軍記天正四年義胤娶深谷三分一氏茶話深谷國分氏因新館山城乞師擊伊達氏實誘我也六月盛胤父子卒騎三百造舟于阿武隈川進到岩沼次產流

川國分氏遣使來迎曰、克伊達氏之後、三分其地、君取其一、我輩願得其二、盛胤曰、予來爲君輩耳、非貪地也、既而其徒合兵來襲、盛胤怒見欺、拔刀斫橋柱曰、已矣、有死耳、麾入其陣、今村三郎桑折十郎諫之、挽回其馬首、軍潰、義胤軍亦亂、時產流川橋已斷、諸軍步涉、敵在斷橋上、以熊手鉤義胤、黑木對馬回救、僅免、逢隈舟梁亦絕、新里猪丞先涉、諸軍從之、亘理元庵在邑、衆皆危其梗、歸路、然元庵不敢出、是役死者甚衆、五年、新館山城謂盛胤曰、產流之敗、如元庵相扼、事未可知、宜及今取亘理、以河爲界、伊達氏雖大、無如我何、盛胤以爲然、四月、出兵焚亘理屬邑、五月、伊達輝宗次新地、以援亘理、義胤軍于駒峰、輝宗不戰而退、七月、輝宗次矢野、目穿溝渠、結虎落、爲久駐兵計、盛胤父子屯大內、與之相持、亘理伊達元庵出兵于古佐井丸森之間、斷其往來相救、盛胤

亦鑿斷其攻道、敵擊我幌卒、鑿道卒亦走、敵人逐之、時義胤食于櫓上、望見之、投箸而起、從者僅七人、馳到山下、敵在山上者、可六十人、在山後者亦多、義胤以七騎上山、山田源兵衛發銃斃一人、顛、源兵衛捉其冑、挽之、敵數人下爭、然上下勢異、源兵衛終獲其首、會盛胤以卒百餘繞出其後、敵棄山而退、義胤易馬而進、敵潰、元庵僅免、盛胤進插旗幟于樹上、敵望之、愈擾、無一人回鬪者、義胤追到矢野、目見一騎在虎落間、欲搏之、敵人皆回救、遂失之、既而問之輝宗也、是役斬首七百三十級、築爲京觀、八月、伊達氏臣堀越能登來降、伊達氏潛入兵坂本、欲待我攻矢野、目以襲新地駒峰、義胤聞之、圍坂本、城兵決濠禦之、濠中泥深不可涉、乃擊城兵出堤下者走之、自是城兵固守不出、初盛胤誅草野式部、約以其女與黑木中務、既而不與、中務恚恨有異謀、竊輸鹽米

于坂下事泄、盛胤欲捕其人、而中務殺之、中務欲以其父齊庵質于伊達氏而求援、遣人與之言、不肯、中務親往請之、齊庵怒而逐之、八年七月、擊黑木、中務奔米澤、乃令門馬上總成黑木、九年、伊達輝宗、正宗復出、矢野目、以伺新地駒峰兩城、五月、與之戰于小深田、斬首百五十級、遣金澤美濃、協守古佐井、守將佐藤宮內殺之、以城降于伊達氏、宮內父曰伊勢、事顯胤有功、盛胤立奪其邑、既而復與之、然終恨之、死時遺言、宮內叛我、故宮內以古佐井入伊達氏、伊達氏軍圍金山丸森、見其守禦固、解而去、七月、復與伊達氏戰于矢野目、少却、敵乘之、義胤以麗下擊却之、斬首百七十級、八月、復擊伊達氏兵于小深田、走之、十一月、伊達氏置兵館山、以逼丸森、義胤軍于河上、設伏以待、敵驅之、擊却之、十年、與伊達氏戰于小比良田、十一年、佐竹義重岩城

常隆田村清顯遣使來言、伊達氏之平、清顯尋來、約還金山丸森于伊達氏、以和許之、我與伊達氏相持于矢野目前、後七年、未嘗敗衄、至是始平、十三年九月、義胤始與伊達正宗相見于三春、十月、伊達輝宗為二本松義繼所殺、正宗使人來乞兵、伐二本松、義胤出兵菅田川、會大雪、還次三春、並同是歲、豐公為關白、通鑑十四年春、及伊達氏田村氏伐二本松、會二氏以敵入其境、引還、乃亦罷兵、茶話七月、義胤說二本松、致城而去、二本松諸將奉其主奔于會津、二本松氏亡、十一月、田村清顯卒、無嗣、清顯室、盛胤妹也、故群臣多欲舉國聽于我、而田村月齋橋本右京等不欲也、故國人不和、水慶十六年四月、石川彈正來附、月齋等謀召伊達正宗、於是夫人以書告之、且召盛胤、盛胤遣義胤入筑山、茶話五月十一日、義胤欲入三春、城中聞之、恐其所襲、櫻

甲上埤、義胤已入門、銃發、傷其馬、從者有死者、不能入、乃退入舟  
 曳、十三日、伊達氏兵攻築山、義胤留泉田雪齋于舟、曳還中  
 村、時田村梅雪在小野新町、鹿山兵部在鹿山、伊達氏兵在門澤、  
 歸路梗塞、義胤乃遣人說降、兵部挾以自從、十四日、到常葉、石澤  
 修理拒之、兵部說之、開道、送抵中山、辭還、義胤經岩城而還、十  
 八日、築山大倉石澤皆潰、廿二日、伊達正宗圍攻舟曳、泉田雪  
 齋謂岡田與總右衛門曰、有插黑背旗者、其所向衆爭從之、是正  
 宗也、請待其至、擊之、宜得志也、果見黑背旗在門下、與總右衛門  
 以騎四十掩之、黑背旗僅免、正宗見其難克、解圍而去、築大原、  
 六月、木幡出羽以騎八十入大越、田村右馬助扼其歸路、走之、  
 斬首三十三、八月、田村夫人徙舟曳、義胤迎歸、置之小高、伊  
 達元庵侵駒峰、盛胤父子救之、擊敗之城下、獲首級、十七年、五

略下、擊字、

月、義胤圍常盤、伊達正宗聞之、帥東境兵襲駒峰、時城中兵寡、盛  
 胤次十二所山救之、遣羽根田主膳等八十人入城、然衆心不一、  
 城潰、十八日、伊達氏軍圍新地、盛胤遣使城中言、義胤還師在  
 近、宜固守以待、會城中失火、敵乘之、遂陷、杉目美作有幼子、婢負  
 之、又抱已子以遁、敵執之、與以已子、遂免其子、西館守將四條  
 但馬附伊達氏、其弟織部在飯樋、亦叛、六月、義胤攻拔飯樋、七  
 月、岩城常隆遣兵四百來援、盛胤使之當駒峰、親帥師與義胤循  
 海抵荒濱、擊伊達元庵敗之、追北薄亘理、元庵妻、盛胤女也、爲之  
 乞平、盛胤許之、退入中村、十八日、義胤以騎六百次坂本、縱火  
 焚其村里、伊達元庵出拒之、我先鋒不利、義胤以麾下兵擊敵、却  
 之、是歲、會津須加川白河石川或滅或降、皆入于伊達氏、  
 十八年三月、叛將黑木中務佐藤宮內往來古佐井駒峰之間、相

馬隆胤欲要擊之、伏兵大澤、賊曉之、驅伏兵、伏兵敗走、隊長皆死、隆胤勇而無謀、數與賊戰、嘗追北薄城、日已暮矣、賊斷其歸路、盛胤聞其爲敵所困、置火繩數百于路、賊以爲銃、相戒而退、隆胤得免、四月廿三日、攻新地、城中伏銃于虎落間、成田五兵衛進破虎落、銃齊發、人皆意其死、然五兵衛不傷、徐々而退、五月十四日、賊出小豆畑、隆胤以五六騎馳之、馬躓而、被殺、侍臣先退者皆還鬪而死、盛胤以隆胤輕敵、恐其有失、每其出、常從其後、今日亦出在蛇山、我軍潰、問隆胤從者僞對曰、已退、盛胤乃還、不然盛胤殆不免、將卒皆憤隆胤死、欲攻駒峰、盛胤曰、城雖小、攻之我士亦損、正宗蠶食仙道、略盡、次將及我、不如養力以一戰、要不辱社稷而已、保原伊勢遺書說我屬伊達氏、義胤曰、我與伊達氏爭雄者已三世、未嘗敗衄、今彼并吞仙道、其勢雖大、何面目稱臣于彼

哉、彼如來逼、決存亡于一戰而已、衆皆奮躍從之、於是集諸士于妙見堂以盟、是歲、關白豐公滅北條氏、下令天下禁私鬪、八月、入會津、收伊達氏所并之地、於是全奧悉平、義胤以妻子入京師、征韓之役、義胤從在肥前名護屋、慶長三年、義胤以妻子還小高、大膳大夫利胤娶蘆名盛胤女、五年、義胤以女嫁岩城貞隆、是歲、上杉景勝據會津拒命、神祖東伐、伊達正宗奉旨還仙臺、以仙道梗塞、遵海過我、我將卒皆欲擊之、水谷式部諫曰、德川公以順伐逆、而正宗奉旨東歸、以相掎角、非私事也、且我世子在京、不可不深慮也、義胤以爲然、乃遣出田與總右衛門候其客館、夜馬逸、館中騷呼、與總曰、馬逸、旣而所列長槍倒、館中復駭、與總白曰、槍倒、正宗嘉之、與以手書、天明、正宗使騶從自大路去、親以數騎臨城壕、以弓測其深淺、而後去、並茶話記 九月 神祖敗西

師于關原、上杉氏乞服、削地移之米澤、六年、盛胤卒、七年、義胤收封邑、安置大倉、九年、召大膳亮利胤、賜其故邑、寬永二年、利胤卒、命義胤復聽其家政、十一年、卒、年八十八、利胤子大膳亮義胤襲封、以上相馬氏系圖  
野史氏曰、相馬者、下總之郡也、元弘之末、重胤自總來徙、子孫世承、故其所治世呼曰相馬、實非地名也、相馬氏累世與隣敵兵爭不已、男事耕戰、女力糧饁、艱難養士數千人、偃武之後、省罷大半、其人皆土着、自食其力、今村落間帶刀出入者皆是也、城南五里有牧馬地、年五月中、城主出騎步數隊、皆擐甲插旗、馳逐牧馬、捕獻之神、謂之馬祭、而土着人供其事、甲冑之屬、皆其婦女所造、云、余嘗過其地、平原茂草、綠塢數里、道傍往往見馬群、其土人所說如此、風俗質而武、亦可嘉尚也、

陸奧九家世紀卷之九

桑名 片山 器 編集  
全 秋山 斷 校

岩城岩城氏世紀

岩城次郎大夫則道者、鎮守府將軍平繁盛之孫也、藤原秀衡以女妻則道、居之岩城郡、因稱岩城氏、系圖元弘元年、次郎入道者從北條氏侵笠置、太平記延元之初、有伊賀盛光者、岩城氏之族也、從佐竹氏屢與官軍唐橋經泰等合戰、岩城文書曆應元年、盛光從畠山高國吉貞家攻靈山宇津峰等處、同上文和二年、盛光補東海道檢斷職、同上應永中、有清隆者、蓋其宗也、廿一年、戰于湯削村、病創而卒、其子曰隆忠、始居于平、系圖文安五年、移青土屋、戊子植田、土賊據其墟、隆忠乞兵白河擊之、結城文書寬正中、隆

東悲衍

忠卒、長子政隆繼、未幾亦卒、其弟親隆襲封、稱下總守、永亨十二年、奉足利氏檄、從攻結城氏朝于結城、有功、賜桐章、親隆卒、子重隆繼、圖系重隆既立、出兵近郡、取小野新町、栗田、又大越數邑、那須永正七年、白河小峰政重使人來乞兵、襲其宗結城政朝、九月、遣兵襲白河、政朝走那須、白河亂、長牒十二年、重隆奉古河政氏命入野州、與宇都宮成綱戰、敗還、十二月、政氏與書勞之、岩城十七年、白河結城顯賴伐那須、來乞兵、八月、重隆以兵千餘會之、圍山田、那須諸將大田原大關稻澤等皆救、山田、重隆顯賴留白河將須釜關佐貫圍城、親以九百人要擊其援兵于細釣臺、一作岩下不利、我將白土淡路志賀備中死之、圍城兵亦潰、城兵內外夾擊、我將卒多死、那須大永元年、與結城顯賴復伐那須、乞兵宇都宮小田二氏、以二千人軍于早乙女坂、十一月、重隆攻

河井取之、遂進攻烏山、鹿沼、德雪齋諫之、於是諸軍退還其邑、同那須資胤乞和、許之、以女妻那須政資、同上享祿三年、重隆卒、子由隆嗣、稱民部大輔、娶佐竹義舜女、圖系天文四年、由隆老焉、其子重隆代之、稱左京大夫、同上重隆無子、有一女、伊達植宗欲為其子晴宗娶之、介相馬顯胤言之、重隆許之、約待其有子養以為嗣、既而結城顯賴來求婚、白土與七郎謂重隆曰、伊達遠于我、緩急難賴、不如婚白河、我與白河合、莫足懼者、重隆惑、遂許白河、婚、女歸有期、顯胤聞之、遣人詰責媒人志賀閑釣、閑釣入問之、重隆以白土言語之、閑釣嘆曰、士之事君者以義也、今君先棄義、孰以義事君、君自招已滅、我至無日、乃以其妻子奔大崎、與和茶話四年、顯胤怒我負約、來侵富岡、不克而去、數日復來、我拒之、岩澤不利、退守葛見川、復敗、顯胤抵新田川、於是重胤請和、且許以女



與伊達氏和成、女氏遂歸伊達氏、國人皆咎與七郎、於是誅與七郎。上同重隆終無子、其女嫁于伊達晴宗、生二子、長曰親隆、次日輝宗、重隆養親隆為子、稱左京大夫。圖系永祿六年、親隆出軍仙道、聞首級于菅谷、相馬將新館山城以兵三百襲之、我兵大敗、親隆慚愧不已、發病而卒、其子左京大夫常隆嗣。書名天正七年、常陸佐竹氏侵、伐白川累年、遂薄其城下、結城義親避之鶴生、常隆與蘆名盛氏謀和之、義親還白河。白川記十一年、三月、常隆取田原谷樋口于砦。三坂文書十二年九月、常隆攻小野新町砦、田村右馬頭清道固守不下、常隆退、既復進、與清道戰于赤坂。四家合考十三年十一月、常隆會佐竹義重結城、義親石川昭光等于須加川、攻中村砦、取之。仙道弓矢卷田村清顯以田原井與其臣津川兵部、兵部遣家方右近守之、兵部貳於我、使右近納砦於我、右近不

從、常隆遣兵圍之。四家合考伊達正宗聞中村陷、出師于本宮郡山之間、以薄二本松、常隆從佐竹義重救之、十四日、進攻高倉、城兵出拒之、擊敗之、獲其將伊藤肥前、又擊敗伊達氏于人取橋、是夜、佐竹義政為其奴所殺、於是諸軍皆散。那須記○永慶記云、義重還師、故諸軍皆散、未詳孰是。田原井陷。合考十四年七月、二本松滅、地入于伊達氏。上同與田村清顯戰于下枝。伊達田村實記十六年、伊達正宗誘竹貫三河守叛我、三河守不從、密白之、常隆使之伴諾、留猪狩中務于城、親帥兵出于桶賣、攻田原谷、拔之、縱火民屋、斬首數百級、進薄小野新町。猪狩文書五月九日、攻門澤砦、拔之、三坂左馬助獲米澤將中島右衛門、先是左馬助得罪走米澤、及起兵、請歸、見右衛門于途、相搏獲之。合考六月、佐竹義重蘆名義廣出師仙道、與伊達正宗構兵累月、常隆亦以兵五百會之、既而以為諸將皆

累世姻戚甥舅、而今兵爭不已、非計也、乃與石川昭光謀之、平八月、平成、諸將各還其邑、弓矢是歲、大內備前降于伊達氏、四本

松滅、合考十七年三月、伊達氏誘片平助右衛門叛會津、於是平

破、諸家復構兵、常隆聞之曰、去年約和、未幾食言、前代未聞之、帥

兵出于小野、鹿又潰、上同七月、伊達正宗入會津、蘆名氏滅、上同

常隆與田村氏戰于下枝、日暮將退、敵要之險、我軍不利、死者五

十餘人、上同常隆還師、弓矢伊達氏攻須加川、遣將竹貫中務

植田但馬救之、協守其城、十月廿六日、須加川陷、伊達正宗

遣人來言曰、我與岩城親戚、不可構兵、請和好以伐佐竹氏、常隆

許諾、以小野大越還田村氏、並同佐竹義重聞我與伊達氏平、

以兵五千來侵、常隆出拒之、會伊達氏援兵來、義重退入關山、追

圍之、義重乞救那須、那須資晴軍于旗宿、我兵與之戰、不利、那須

乃

十八年、豐公伐北條氏、圍攻累月、常隆如小田原、七月廿二日、

途卒、年廿三、常隆無子、豐公以岩城與白土攝津守固辭、請以佐

竹義重子忠次郎為常隆嗣、許之、秋、忠次郎謁豐公于宇都宮、稱

岩城貞隆、慶長庚子之亂、坐觀望、沒岩城十二萬石、賜羽州龜田

之田二萬石、系


野史氏曰、自海道入關東者、莫不出于岩城、蓋亦要害之郡也、其

南境古昔勿來關在焉、海道之形勝、自古為重、然其西重山連接、

以限仙道諸郡、不經無人之地三十里、不能相往來也、北則瀕海

多阻、蓋此唯可自守、非用武之地也、岩城氏累世食其地數百年、

而事無足記者、豈唯文獻之不足而已哉、



- 一月費未タ拂込マサル各位ハ至急拂込ムヘシ
- 一月費拂込サレハ遺書ノ發送ヲ停止スヘシ
- 一月費郵券代用ハ一割増ノヲ
- 一月費拂込ハ發行所内佐治爲善宛ノヲ
- 一月前脩遺書刊行ノ順序ハ本所採集ノ便利上完成ノ者ヨリ着手スヘシ

三重縣伊勢國桑名郡桑名町大字内堀六拾番屋敷

發行所 桑名前修遺書編纂取扱所

明治廿五年十一月十二日印刷 編輯兼印刷人 佐治爲善

三重縣伊勢國桑名郡桑名町大字矢田川原百六拾九番屋敷

明治廿五年十一月十五日出版 同兼發行人 星野恭藏

三重縣伊勢國桑名郡桑名町大字内堀九拾六番屋敷

印刷所 育文舎

(非賣品)

